



禮書綱目 五十二





漢書門類			
三	一	六	八
二	二	二	三
冊	架	函	號

內閣文庫			
二	八	漢	
七	三	書	
四	三		
函	二		
一	五		
三	冊		
架	號		

內閣文庫			
番號	漢	8235	
冊數	32	(20)	
函號	274	88	







禮書綱目卷之五十

征伐

婺源江永編
軍禮三
文庫

補

大宗伯以軍禮同邦國同謂威其不協僭差者軍禮之別有五大師之禮用

衆也用其義勇○一不朝則貶其爵再不朝則削其地三

不朝則六師移之是故天子討而不伐孟○先王之治順

天之道設地之宜官民之德而正名治物立國辨職以爵

分祿諸侯懷說海外來服獄弭而兵寢聖德之治也其次

賢王制禮樂法度乃作五刑興甲兵以討不義巡狩省方

會諸侯考不同其有失命亂常背德逆天之時而危有功之君徧告於諸侯彰明有罪乃告於皇天上帝日月星辰禱於后土四海神祇山川冢社乃造於先王然後冢宰徵師于諸侯曰某國為不道征之以某年月日師至于某國會天子正刑冢宰與百官布令于軍曰入罪人之地無暴神祇無行田獵無毀土功無燔牆屋無伐林木無取六畜禾黍器械見其老幼奉歸勿傷雖遇壯者不校勿敵敵若傷之醫藥歸之既誅有罪王及諸侯脩正其國舉賢立明正復厥職司馬法 ○天下有道禮樂征伐自天子出必以歲

之孟秋賞軍帥武人於朝簡練傑俊任用有功命將選士

以誅不義於是孟冬以級授軍司徒搢扑北面而誓之以等

級授其鞭扑 誓于社以習其事先期五日大史誓于祖廟擇吉

日齊戒告于郊社稷宗廟既筮則獻兆於天子天子使有

司以牲特告社告以所征之事而受命焉舍奠于帝學以

受成成謂師律已成定 然後乃類上帝柴于郊以出以齊車載遷

廟之主及社主行大司馬職奉之言以大司馬奉所遷廟社之主 無遷廟

主則以幣帛皮圭告于祖禩謂之主命亦載齊車凡行主

皮圭幣帛皆每舍奠焉而後就館言廟社行主及皮圭幣帛之主命每所至之地

則先舍奠而後就館示有尊也舍當作釋音與釋同 王車止于中門之外外門之內

廟主居于道左社主居于道右其所經名山大川皆祭告

焉及至敵所將戰太史卜戰日卜右御先期三日有司明

以敵人罪狀告之史史定誓命戰日將帥陳列車甲卒伍

于軍門之前有司讀誥誓使周定三令五申既畢遂禱戰

祈克于上帝然後即敵將士戰全已克敵史擇吉日復禱

於所征之地禱師祭名也柴於上帝祭社奠祖以告克者不頓

兵傷士也戰不克則不告也凡類禱皆用甲丙戊庚壬之

剛日有司簡功行賞不稽于時其用命者則加爵受賜于

祖奠之前其奔北犯令者則加刑罰戮于社主之前書稱用命

則賞于祖弗用命則戮于社然後鳴金振旅有司徧告捷于時所有事

之山川既至舍于國外三日齊以特牛親格于祖禰然後

入設奠以反王設奠反其王於廟於社若王命則卒奠歛玉埋之于

廟兩階間言埋玉則幣帛焚之反社王如初迎之禮舍奠于帝學以

訊馘告大亨於羣吏用備樂享有功於祖廟舍爵策勳焉

謂之飲至此天子親征之禮也孔叢子問軍禮

右天子親征總叙

太卜大師則貞龜正龜於卜位也士喪禮曰卜人抱龜爇先奠龜西面是也又不親命龜大師輕



於大祭祀也○春官○大司馬若大師則掌其戒令泣大小大師王也泣臨也臨大小出兵吉凶也司馬法曰上下下謀是謂參之○夏官

右卜出軍

典瑞牙璋以起軍旅

鄭司農云牙璋璋以為牙璋發兵若今時以銅虎符發

兵元謂牙璋亦王使之瑞節○春官

○玉人牙璋中璋七寸射二寸厚寸以

起軍旅

二璋皆有鉏牙之飾於琫側先言牙璋有文飾也○考工記

○大司徒大軍旅

以旗致萬民而治其徒庶之政令

旗畫熊虎者也徵衆刻日樹旗期于其下○

小司徒凡國之大事致民

大事謂戎事也鄭司農云國有大事當徵召會聚百姓則小司

徒召大軍旅帥其衆庶

帥帥而致於大司徒

○鄉師大軍旅正治其

徒役與其輦輦戮其犯命者

輦駕馬輦人輓行所以載任器也止以為蕃營司馬法曰

夏后氏謂輦曰余車殷曰胡奴車周曰輜輦輦一斧一斤一鑿一裡一鋤周輦加二版二築又曰夏后氏二十人而輦

輦殷十八人而輦周十五人而輦

○州長若國作民而師田行役之事則

帥而致之掌其戒令與其賞罰

致之致之於司徒也掌其戒令賞罰則是於軍因為

帥師○黨正凡作民而師田行役則以其灋治其政事

亦於軍因為

帥為族

○族師若作民而師田行役則合其卒伍簡其兵器

以鼓鐸旗物帥而至掌其治令戒禁刑罰

亦於軍因為卒長

○縣

師若將有軍旅之戒則受灋于司馬以作其衆庶及馬牛

車輦會其車人之卒伍使皆備旗鼓兵器以帥而至

受法於司

馬者知所當徵衆寡

○遂人若起野役則令各帥其所治之民而至

以遂之大旗致之其不用命者誅之

役謂師田若有功作也遂之大旗熊虎

凡事致野役而師田作野民帥而至掌其政治禁令○遂

師軍旅平野民掌其禁令比叙其事而賞罰

平謂正其行列部伍也鄭

司農云比讀爲庀

○縣正若將用野民師田行役則帥而至治其

政令○鄙師凡作民則掌其戒令

作民謂起役也

○鄆長若作其

民而用之則以旗鼓兵革帥而至○稍人若有師田行役

之事則以縣師之灋作其同徒輦輦帥而以至治其政令

以聽於司馬

有軍旅會同田役之戒縣師受法於司馬邦國都鄙稍甸郊里唯司馬所調以其法作其

衆庶及馬牛車輦會其車人之卒伍使皆備旗鼓兵器以帥而至是以書令之耳其所調若在家邑小都大都則稍

人用縣師所受司馬之法作之帥之以致於司馬也同徒司馬所調之同凡用役者不必一時皆徧以人數調之使

勞逸遞焉

○大司馬及致建大常比軍衆誅後至者

比或作庀

鄭司農云致謂聚衆也庀具也元謂致

○司常凡軍事建

鄉師致民於司馬比較次之也

○都司馬

旌旗及致民置旗弊之

始置旗以致民民至仆之誅後至者

○都司馬

掌都之士庶子及其衆庶車馬兵甲之戒令

庶子卿大夫士之子車馬

兵甲備軍發卒以聽國司馬

聽者受行其所徵爲也國

家司馬亦

如之大夫家臣爲司馬者春秋傳曰叔孫氏之司馬饒戾

○宮伯掌王宮之士

庶子若邦有大事作宮衆則令之

謂王宮之士庶子於邦有大事或選當行

官 ○諸子掌國子之倅國有大事則帥國子而致於天子

唯所用之若有兵甲之事則授之車甲合其卒伍置其有

司以軍灋治之司馬弗正軍法百人為卒五人為伍弗不也國子屬天子司馬雖有軍事

不賦之凡國正弗及夏官 ○有發則命大司徒教士以車甲乘

車衣甲之儀有發謂有軍師發卒 ○王制

右起師

天子將出征類乎上帝宜乎社造乎禰禡於所征之地禡

祭也為兵禱 受命於祖告祖也 受成於學定兵謀也 ○大祝

大師宜于社造于祖設軍社類上帝則前祝鄭司農說設軍社以春秋

傳曰所謂軍以師行敝社釁鼓祝奉以從者也則前祝大祝自前祝也元謂前祝者王出也歸也將有事於此神大

祝居前先以祝辭告之 ○起大事動大眾必先有事乎社而後出

謂之宜有事祭也周官所謂宜乎社 ○爾雅

右告祭 ○敢用元牡敢昭告于上天神后請罪有夏

元牡夏尙黑未變其禮也神后后土也 ○湯誥

司兵掌五兵五盾及授兵從司馬之灋以頒之從司馬之法令師旅

卒兩人數所用多少也 ○司戈盾掌戈盾之物而頒之分與軍旅授

貳車戈盾建乘車之戈盾授旅賁及虎士戈盾乘車王所乘車也軍

旅則革路 ○司弓矢凡師役頒弓弩各以其物從授兵甲之儀

物弓弩矢

○大司馬帥執事泣釁主及軍器

主謂遷廟之

軍者也軍器鼓鐸之屬凡師既受甲迎主於廟及社主

祝奉以從殺牲以血塗主及軍器皆神之○並夏官

春官

右授兵釁主器

野廬氏凡國之大事比修除道路者

比校治道者名若邦

之大師則令埽道路且以幾禁行作不時者不物者

夙則莫者也不物謂衣服操持非比常

人也幾禁之者備姦人內賊及反間

師亦如之

注見天神

○牛人軍旅行役共其兵車之牛與

其牽傍以載公任器

牽傍在轅外輓牛也人御之居其前

○校人凡軍事物馬而頒之

物馬齊其力

○車僕掌戎路之

萃廣車之萃闕車之萃萃車之萃輕車之萃

注見武備

凡師共

革車各以其萃

五戎者共其一以為王優尊者所乘也而萃各從其元焉

○司兵

軍事建車之五兵

詳武備

○雞人大祭祀夜嘑旦以詔百官

軍旅亦如之

注見祭通禮

○伊耆氏軍旅授有爵者杖

別吏卒且以扶

尊者將軍杖

○小宗伯若大師則帥有司而立軍社奉主

有司大祝也王出軍必先有事於社及遷廟而以其主

豐書獨目

卷五十一

征伐

七

奉以從會子問曰天子巡守以遷廟主行載於齊車言必有尊也書曰用命賞於祖不用命戮於社社之主蓋用石為之奉

謂將行 ○大師大師執同律以聽軍聲而詔吉凶起軍師

兵書曰王者行師出軍之日授將弓矢士卒振旅將張弓

大呼大師吹律合音商則戰勝軍士彊角則軍擾多變失

士心宮則軍和士卒同心徵則將急數怒軍士勞羽則兵

弱少威明鄭司農云以師曠曰吾驟歌北風又歌南風南

風不競多死 ○大史大史抱天時與大師同車鄭司農云

聲楚必無功 ○大史大史抱天時處吉凶史官主知天道故國語曰

大史主抱式以知天時春秋傳曰楚有雲如衆赤鳥夾日以

吾非瞽史焉知天道春秋傳曰楚有雲如衆赤鳥夾日以

飛楚子使問諸周大史大史主天 ○小史大軍旅佐大史

道元謂瞽即大師大師瞽官之長 ○巾車革路龍勒條纓五就建大白以

也今時五伯緹衣 ○巾車革路龍勒條纓五就建大白以

古兵服之遺色 ○巾車革路龍勒條纓五就建大白以

即戎詳名器下 ○前有水則載青旌前有塵埃則載鳴鳶

前有車騎則載飛鴻前有士師則載虎皮前有擊獸則載

貔貅載謂舉於旌首以警衆也禮君行師從卿行旅從前

鳥鳶鳴則將風鴻取飛有行列也士師謂兵衆虎取其

有威勇也貔貅亦擊獸也書曰如虎如貔士或為仕 行

前朱鳥而後元武左青龍而右白虎招搖在上急繕其怒

以此四獸為軍陳象天也急猶堅也繕讀曰勁又畫招搖

星於旌旗上以起居堅勁軍之威怒象天帝也招搖星在

北斗杓端主 ○戎僕掌馭戎車戎車革路也師

指者 ○曲禮 ○戎僕掌馭戎車出王乘以自將 掌王倅車

之政正其服倅副也服謂衆乘 犯軼如玉路之儀掌凡戎

車之儀凡戎車衆之兵車也書 ○射人大師合有爵者乘

序曰武王戎車三百兩 ○射人大師合有爵者乘

豐書綱目 卷五十一 征伐 八

王之倅車

倅車戎車之副

○虎賁氏掌先後王而趨以卒伍軍旅

亦如之

王出將虎賁士居前後雖羣行亦有局分

○旅賁氏軍旅則介而趨介

甲○竝

○典路凡軍旅以路從

王出於事無常王乘一路典路以其餘路從行亦以

華國○

○司右掌羣右之政令

羣右戎右齊右道右凡軍旅合其車

之卒伍而比其乘屬其右

合比屬謂次第相安習也車亦有卒伍

凡國之勇

力之士能用五兵者屬焉掌其政令

勇力之士屬焉者選右當於中司馬法曰

弓矢圍殳矛守戈戟助凡五兵

○師氏軍旅王舉則從舉

長以衛短短以救長○夏官

竝地

○鄉士大軍旅則各掌其

也○保氏軍旅王舉則從

屬中士

○遂士若邦有大事

鄉之禁令帥其屬夾道而蹕

以下

○遂士若邦有大事

聚衆庶則各掌其遂之禁令帥其屬而蹕

大事王所親也○竝秋官

右師行○會子問曰古者師行必以遷廟王行乎孔

子曰天子巡守以遷廟王行載於齊車言必有尊也

今也取七廟之主以行則失之矣齊車金路會子問曰古

者師行無遷主則何主孔子曰王命問曰何謂也孔

子曰天子諸侯將出必以幣帛皮圭告于祖禰遂奉

以出載于齊車以行每舍奠焉而后就舍以醑醢禮神乃敢即

安也所告而不反必告設奠卒歛幣玉藏諸兩階之

間乃出蓋貴命也會子問○武王載木主號爲文王東

伐紂史記 ○王升舟入水鍾鼓惡觀臺惡將舟惡宗廟

惡惡皆謂亞亞次也觀臺太史知天時 ○王者征伐

所以必皮弁素積何伐者凶事素服示有悽愴也伐

者質故依古服白虎通

大祝大師國將有事于四望則前祝疏曰謂軍行所過山川造祭乃過○春官

右祭告山川○底商之罪告于皇天后土所過名山

大川致商之罪謂伐紂之時后土社也名山華岳大川河 曰惟有道曾孫周王

發將有大正于商告天地山川之辭 今商王受無道

無道德 暴殄天物害虐烝民暴絕天物言逆天也逆天害民所以為無道 為

天下逋逃王萃淵藪逋亡也天下罪人逃亡者而紂為魁王窟聚淵府藪澤言大姦

予小子既獲仁人敢祇承上帝以遏亂略仁人謂太公周召之

徒略路也言誅紂敬承天意以絕亂路 華夏蠻貊罔不率俾集傳曰俾廣韻曰從

也仁人既得則可以敬承上帝而遏絕亂謀內而華夏外而蠻貊無不率從矣 惟爾有神尙

克相予以濟兆民無作神羞神庶幾助我渡民危害無為神羞辱○武成

量人營軍之壘舍量其市朝州涂軍社之所里軍壁曰壘鄭司農云

量其市朝州涂還市朝而為道也元謂州一州之衆二千五百人為師每師一處市也朝也州也皆有道以相之軍

社社主在軍者里居也○夏官 鼓人凡軍旅夜鼓鼙鼙夜戒守鼓也司

為大鼙夜半三通為晨戒旦明五通為發响○地官 罇師凡軍之夜三鼙皆鼓之

鼓之以鼗春官 ○挈壺氏掌挈壺以令軍并挈轡以令舍挈舂

以令糧鄭司農云挈壺以令軍并謂為軍穿并井成挈壺

盛飲故以壺表并挈轡以令舍亦縣轡於所當舍止之處

使軍望見知當舍止於此轡所以駕舍故以轡表舍挈舂

以令糧亦縣舂於所當稟假之處令軍望見知當稟假於

此下也舂所以盛糧之器故以舂表稟軍中人多車騎雜

會驩囂號令不能相聞故各以凡軍事縣壺以序聚櫟鄭

農云縣壺以為漏以序聚櫟以次更聚擊櫟備 ○環人察

守也元謂擊櫟兩木相敲行夜時也 ○夏官 軍慝慝陰姦也視軍中 環四方之故卻其以事謀來侵伐

巡邦國搏謀賊謀賊反問為 ○司烜氏軍旅修火禁秋

士師五禁五曰軍禁今軍有囂謹夜 ○大宰作大事則戒

於百官贊王命助王為教令春秋傳曰國 ○士師五戒一

曰誓用之於軍旅於書則甘誓 ○幕人軍旅共其帷幕幄

帟綬共之者掌 ○掌次師田則張幕設重帟重案不張幄

臨誓衆王或次當以張 諸侯師田則張幕設案鄭司農云師田謂諸

回顧占察 掌次張之諸侯 孤卿有邦事則張幕設案有邦事謂以事

從王而師田者 出也孤王之孤三人副三公論道者不言公公 ○訝士凡

如諸侯禮從王師田亦張幕設案 ○並天官 邦之大事聚衆庶則讀其誓禁 ○布憲凡邦之大事合衆

庶則以刑禁號令 ○條狼氏凡誓執鞭以趨於前且命之

右軍中

誓僕右曰殺誓馭曰車轅誓大夫曰敢不關鞭五百誓師

曰三百誓邦之大史曰殺誓小史曰墨

前謂所誓衆之行前也有司讀誓辭

則大言其刑以警所誓也誓者謂出軍及將祭祀時也出軍之誓誓左右及馭則書之甘誓備矣郊特牲說祭祀之誓曰卜之日王立于澤親聽誓命受教諫之義也車轅謂車裂也師樂師也大史小史主禮事者鄭司農云誓大夫曰敢不關謂不關于君也元謂大夫自受命以出則其餘事莫不復請

○鄉士大軍旅則各掌其鄉之禁令

○遂士若邦有大事聚衆庶則各掌其遂之禁令

○縣士若邦有大役聚衆庶則各掌其縣之禁令

○方士凡都家之大事聚衆庶則各掌其方之禁令

方士十六

右誓禁○有虞氏戒于國中欲民體其命也夏后氏

誓于軍中欲民先成其慮也殷誓于軍門之外欲民

先意以待事也周將交刃而誓之以致民志也夏后

氏正其德也未用兵之刃故其兵不雜殷義也始用

兵之刃矣周力也盡用兵之刃矣

司馬法

○帝曰咨禹

惟時有苗弗率汝徂征禹乃會羣后誓于師曰濟濟

有衆咸聽朕命蠢茲有苗昏迷不恭侮慢自賢反道

敗德君子在野小人在位民棄不保天降之咎肆予

以爾衆士奉辭伐罪爾尙一乃心力其克有勳

會徵會也

警戒也軍旅曰誓有會誓自唐虞時已○大戰于

然禮言商作誓周作會非也○大禹謨○大戰于

甘乃召六卿甘地名有扈氏國之南郊也六卿六鄉

鄉六卿平居無事則各掌其鄉之政教禁令而屬于

大司徒有事出征則各率其鄉之一萬二千五百人

而屬于大司馬所謂軍將皆卿者是也意夏制亦如

此古者四方有變專責之方伯方伯不能討然後天

子親征之天子之兵有征無戰今啓既親率六軍以

出而又書大戰于甘則有扈之怙強稔惡敢與天子

抗衡豈特孟子所謂六師移之者書曰大戰蓋所以

深著有扈不臣之罪而為天下後世諸侯之戒也

王曰嗟六事之人予誓告汝重其事故嗟嘆而告之

於六軍者皆事者非但六卿有事

皆是也 有扈氏威侮五行怠棄三正天用勦絕其

命今予惟恭行天之罰威暴殄之也侮輕忽之也

者乎三正子丑寅之正也夏正建寅怠棄者不用正

朔也有扈氏暴殄天物輕忽不敬廢棄正朔虐下背

上獲罪于天天用勦絕其命今 左不攻于左汝不恭

我伐之惟敬行天之罰而已 命右不攻于右汝不恭命

御非其馬之正汝不恭命左車左右車右也攻治也古者車戰之法甲士三人

用命賞于祖不用命戮于社予則孥戮汝戮殺也禮

守以遷廟主行左傳軍行祓社釁鼓然則天子親征

必載其遷廟之主與其社主以行以示賞戮之不敢

也蓋左右不治其事與御非其馬之正猶王良所謂詭遇

故各指其人以責其事而欲各盡其職而不敢忽也

是車右主擊刺也御非其馬之正猶王良所謂詭遇

主射也攝叔曰吾聞致師者右入壘折馘執俘而還

專也祖左陽也故賞于左社右陰也故戮于社孛子也孛戮與上戮字同義言若不用命不但戮及汝身將并汝妻子而戮之戰危事也不重其法則無以整肅其衆而使赴功也或曰戮辱也孛戮猶秋官司厲孛男子以為罪隸之孛古人以辱為戮謂戮辱之以為孛耳古者罰弗及嗣孛戮之刑非三代之所宜有也按此說固為有理然以上句考之不應一戮而二義蓋罰弗及嗣者常刑也予則孛戮者非常刑也常刑則愛克厥威非常刑則威克厥厥愛盤庚遷都尚有則殄滅之無遺育之語則啓之誓師豈為過哉○甘誓

○王曰格爾衆庶悉聽朕言非台小子敢行稱亂有夏多罪天命殛之夏桀暴虐湯征之亳衆憚於征役故湯諭以弔伐之意蓋師興之時而誓于亳都者也王曰者史臣追述之稱也格至台我稱舉也以人事言之則臣伐君可謂亂矣以天命言之則所謂天吏非稱亂也今爾有衆汝曰我后不恤我衆舍

我稽事而割正夏予惟聞汝衆言夏氏有罪予畏上

帝不敢不正稽刈穫也割斷也亳邑之民安于湯之德政桀之虐焰所不及故不知夏氏之

罪而憚伐桀之勞反謂湯不恤亳邑之衆舍我刈穫之事而斷正有夏湯言我亦聞汝衆論如此然夏桀暴虐天命殛之我畏上帝不敢不往正其罪也今汝其曰夏罪其如台夏王

率遏衆力率割夏邑有衆率怠弗協曰時日曷喪予及汝皆亡夏德若茲今朕必往遏絕也割剗割夏邑之割時是也湯之舉

商衆言桀雖暴虐其如我何湯又應之曰夏王率為重役以窮民力嚴刑以殘民生民厭夏德亦率皆怠于奉上不和于國疾視其君指日而曰是日何時而亡乎若亡則吾寧與之俱亡蓋苦桀之虐而欲其亡之甚也桀之惡德如此今我之所以必往也桀嘗自言吾有天下如天之有日日亡吾乃亡耳故民因以

之日爾尙輔予一人致天之罰予其大賚汝爾無不

信朕不食言爾不從誓言予則孥戮汝罔有攸赦與齊

也食言言已出而反吞之也禹之征苗止曰爾尙一乃心力其克有勳至啓則曰用命賞于祖不用命戮

于社予則孥戮汝此又益以朕不食言罔有攸赦亦可以觀世變矣○湯誓

年春大會于孟津泰誓上惟戊午王次于河朔羣后以

師畢會王乃徇師而誓泰誓中時厥明王乃大巡六師

明誓衆士泰誓下○時甲子昧爽王朝至于商郊牧野

乃誓王左杖黃鉞右秉白旄以麾曰逖矣西土之人

甲子二月四日也昧冥爽明也昧爽將明未明之時也牧地名在朝歌南即今衛州治之南也鉞斧也以

黃金爲飾王無自用鉞之理左杖以爲儀耳旄軍中指麾白則見遠麾非右手不能故右秉白旄也按武

成言癸亥陳于商郊則癸亥之日周師已陳于牧野矣甲子昧爽武王始至而誓師焉曰者武王之言也

逖遠也以其行役之遠而慰勞之也王曰嗟我友邦冢君御事司徒司

馬司空亞旅師氏千夫長百夫長司徒司馬司空三

爲諸侯故未備六卿唐孔氏曰司徒至民治徒庶之政令司馬至兵治軍旅之誓戒司空至土治壘壁以

營軍亞次旅衆也大國三卿下大夫五人士二十七人亞者卿之貳大夫是也旅者卿之屬士是也師氏

以兵守門者猶周禮師氏王舉則從者也千夫長統千人之帥百夫長統百人之帥也及庸蜀

羌髻微盧彭濮人左傳庸與百濮伐楚庸濮在江漢之南羌在西蜀髻微在巴蜀盧彭

在西北武王伐紂不期會者八百國今誓師獨稱八國者蓋八國近周西都素所服役乃受約束以戰者

征伐

左

征伐

左

征伐

若上文所言友邦冢君則泛指諸侯而誓者也稱爾戈比爾于立爾矛予其

誓稱舉戈戟干楯矛亦戟之屬長二丈唐孔氏曰戈短人執以舉之故言稱楯則並以扞敵故言比矛

長立之于地故言立器械嚴整則士氣精明然後能聽誓命王曰古人有言曰牝

雞無晨牝雞之晨惟家之索索蕭索也牝雞而晨則陰陽反常是為妖孽而

家道索矣將言紂惟婦言是用故先發此今商王受惟婦言是用昏棄厥

肆祀弗答昏棄厥遺王父母弟不迪乃惟四方之多

罪逋逃是崇是長是信是使是以為大夫卿士俾暴

虐于百姓以茲究于商邑肆陳答報也婦姐己也列女傳云紂好酒淫樂不離

姐己姐己所舉者貴之所憎者誅之惟姐己之言是用故顛倒昏亂祭所以報本也紂以昏亂棄其所當

陳之祭祀而不報昆弟先王之殞也紂以昏亂棄其

王父母弟而不以道遇之廢宗廟之禮無宗族之義

乃惟四方多罪逃亡之人尊崇而信使之以為大夫

卿士使暴虐于百姓茲究于商邑蓋紂惑于姐己之

嬖背常亂理遂至流毒如此也今予發惟恭行天之罰今日之事不

愆于六步七步乃止齊焉夫子勛哉愆過勛勉也步進趨也齊齊整

也今日之戰不過六步七步乃止而齊此不愆于四

告之以坐作進退之法所以戒其輕進也伐五伐六伐七伐乃止齊焉勛哉夫子伐擊刺也少

不過六七而齊此告之以攻殺擊刺之法所以戒其

輕殺也上言夫子勛哉此言勛哉夫子者反覆成文

以致丁寧勸勉之意下做此尙桓桓如虎如貔如熊如羆于商郊

弗迓克奔以役西土勛哉夫子桓桓威武貌貔執夷也虎屬欲將士如四

征伐

獸之猛而奮擊于商郊也迂迎也能奔來降者勿迎擊之以勞役我西土之人此勉其武勇而戒其殺降也爾所弗勛其于爾躬有戮弗勛謂不勉于前三者也

與湯誓誥相表裏真聖人之言也秦誓武成一篇之中似非盡出于一人之口豈獨此為全書乎讀者其味之○

小宗伯若軍將有事則與祭有司將事于四望

軍將有事將與之合

戰也鄭司農云則與祭謂軍祭表禡軍社之屬小宗伯與其祭事元謂與祭有司謂大祝之屬蓋司馬之官實典焉

凡王之軍旅之禱祠肆儀為位

肆習也

○封人凡軍旅則

飾其牛牲

地官

○肆師凡師用牲于社宗則為位

社軍社也宗遷至也

尚書傳曰王升舟入水鼓鍾亞觀臺亞將舟亞宗廟亞故書位為涖杜子春云涖當為位書亦或為位宗謂宗廟○

春官○禡於所征之地

詳見告祭章

○小祝掌釁祈號祝

詳授兵章

右祈禱

環人掌致師

致師者致其必戰之志古者將戰先使勇力之士犯敵焉春秋傳曰楚許伯御樂伯攝叔

為右以致晉師許伯曰吾聞致師者御靡旌摩壘而還樂伯曰吾聞致師者左射以鼓代御執轡御下兩馬掉鞅而

還攝叔曰吾聞致師者右人壘折訟敵國敵國兵來則往

敵執俘而還皆行其所聞而復之訟敵國之與訟曲直若

齊國佐揚軍旅為之威武以觀敵揚降圍邑圍邑欲降

者受而降

如師揚軍旅為之威武以觀敵揚降圍邑

者受而降

之春秋傳曰

齊人降障

日戰于殺晉梁宏御戎萊駒為右戰之

詔贊王鼓既告王

節又助傳王命於陳中為王大

擊之

鼓佐擊其餘 ○鼓人以鼗鼓鼓軍事以金鐸和鼓以金鐃

節鼓以金鐃止鼓以金鐸通鼓注見武備軍動則鼓其衆行且

地 ○衙枚氏軍旅令衙枚為其言語以相誤 ○秋官 ○小子凡師斬牲

以左右徇陳示犯誓必殺之 ○大司馬及戰巡陳眡事而賞罰謂

戰功也 ○進退有度度謂伐與步數 左右有局各司其局局部

禮 ○曲

右戰陳

肆師凡師用牲于社宗則為位類造上帝封于大神祭兵

于山川亦如之造猶即也為兆以類禮即祭上帝也類禮依郊祀而為之者封謂壇也大神社及方

嶽也山川蓋軍之所依止大傳曰牧之野武王之大事也既事而退柴於上帝祈於社設奠於牧室 ○春官

右告克 ○牧之野武王之大事也既事而退柴於上

帝祈於社設奠於牧室柴祈奠告天地及先祖也牧室牧野之室也古者郊關皆

有銘焉先祖者行主也 遂率天下諸侯執豆籩遂奔走遂疾也疾奔走


言勸事也周頌曰遂 ○丁未祀于周廟邦甸侯衛駿

奔走執豆籩越三日庚戌柴望大告武成武王以克商之事祭

告祖廟近而邦甸遠而侯衛皆駿奔走執事以助祭

祀既告祖廟燔柴祭天望祀山川以告武功之成由

司勳掌六鄉賞地之灋以等其功戰功曰多尅敵出奇若韓信陳平司



馬法曰上多前虜○夏官○大司寇大軍旅涖戮于社社謂社主在軍

以書曰用命賞于祖不用命戮于社○士師大師帥其屬而禁逆軍旅者與

犯師禁者而戮之逆軍旅反將命也○鄉士凡國有大事

則戮其犯命者○遂士凡郊有大事則戮其犯命者○縣

士凡野有大事則戮其犯命者野距王城二百里以外及都鄙○掌戮掌

斬殺凡軍旅斬殺刑戮亦如之戮謂膊焚辜肆○禁暴氏凡國聚

衆庶則戮其犯禁者以徇並秋官

右賞戮

大司馬若師有功則左執律右秉鉞以先愷樂獻于社功勝

也律所以聽軍聲鉞所以為將威也先猶道也兵樂曰愷

獻于社獻功于社也司馬法曰得意則愷樂愷歌示喜也

鄭司農云故城濮之戰春秋傳曰振旅愷以入于晉○夏官○大祝及軍歸獻于社則

前祝注見告祭章○大司樂王師大獻則令奏愷樂大獻獻捷于祖愷樂

奏功之樂鄭司農說以春秋晉文公敗楚于城濮傳曰振旅愷以入于晉○樂師凡軍大獻教

愷歌遂倡之故書倡為昌鄭司農云樂師王○眡瞭賓射

皆奏其鍾鼓鼉愷獻亦如之愷獻獻功愷樂也杜子春云

也擊鼓聲疾數故曰戚○鈔師軍大獻則鼓其愷樂並春官○出征執

有罪反釋奠于學以訊馘告釋菜奠幣禮先師也訊馘所

又曰在頻獻馘馘或為國○王制

右師有功歸○常武

宣王自將以伐淮北之夷詩人作此以美之○大雅

大司馬若師不功則厭而奉主車

鄭司農云厭謂厭冠喪服也軍敗則以喪禮故

秦伯之敗于穀也春秋傳曰秦伯素服郊次向師而哭元謂厭伏冠也奉猶送也送主歸于廟與社

王弔勞

士庶子則相師敗王親弔士庶子之死者勞其傷者則相

士○肆師凡師不功則助牽主車

助助大司馬也故書功為工鄭司農云工

肆師助牽之恐為敵所得○春官

○軍有憂則素服哭

于庫門之外素服者編冠也

赴車不載橐鞬

兵不戢示當報也以

告喪之辭言之謂還告於國橐甲衣鞬弓衣○檀弓

右師不功歸

天子命將出征親絜齊盛服設奠于祖以詔之詔告大將

先入軍吏畢從則北面再拜稽首而受受命天子當階南

面命授之節鉞大將受謂受所賜節鉞天子乃東向西面而揖之

謂轉南面自東遂西面而揖示弗御也謂既揖已然後告大社豕宰執

蜃宜於社之右左傳云戎有受蜃蜃祭社之肉盛以蜃器南面授大將大將北

面稽首再拜而受之承所頒賜于軍吏其出不類其克不

禡戰之所在有大山川則祈焉禱克于五帝捷則報之振

旅復命簡異功勤親告廟告社而後適朝孔叢○帥師者

受命於廟受蜃於社蜃宜社之肉盛以蜃器○小司徒小軍

旅巡役治其政令巡役小力役之事○小祝小軍旅掌事

焉春官○小司馬小師掌其事如大司馬之灋夏官○小司寇

小師泣戮小師王不自出○將居軍中之禮介冑在身執

銳在列雖君父不拜若不幸軍敗則驛騎赴告不載橐鞬

大雅曰載橐鞬弓矢天子素服哭于庫門之外三日大夫素

服哭于社亦如之亡將失城則皆哭七日軍敗三日哭將

哭蓋輕天子使使迎于軍命將帥無請罪然後將帥結草

自縛袒右肩而入蓋喪禮也孔叢

右命將出征○大夫將兵出必不御者欲盛其威使

士卒一意繫心也故但聞將軍令不聞君命也明進

退在大夫也春秋傳曰此受命于君如伐齊則還何

大其不伐喪也何大其不伐喪大夫以君命出進退

在大夫也天子遣將軍必於廟何示不敢自專也獨

於祖廟何制法度者祖也白虎通○惟仲康肇位四海

膺侯命掌六師義和廢厥職酒荒于厥邑膺后承王

命徂征註見軍通禮○六月獫狁內侵逼近京邑宣王命

詩人作歌○采芑宣王之時蠻荆背叛王命方叔南

以叙其事○江漢宣王命召穆公平淮南

興○竝小雅○江漢宣王命召穆公平淮南○大雅

諸侯賜弓矢然後征得其器乃敢為其事○王制○諸侯賜弓矢者得

專征不得專征者以兵屬於得專征之國諸侯得專征者

鄰國有臣弑其君孽伐其宗雖有請於天子而征之可也

征而歸其地於天子孽支子也宗適子也征伐也○尚書大傳○祈勝之禮命

勇謀之將以禦敵先使之迎于適所從來之方為壇祈克

于五帝衣服隨其方色執事人數從其方之數從其方之數則北方

七人南方九人東方十一人西方十三人牲則用其方之牲祝史告于社稷宗

廟邦域之內名山大川君親素服誓衆于太廟曰某人不

道侵犯大國二三子尚皆同心比力死而守將帥稽首再

拜受命既誓將帥勒士卒陳于廟之右君立太廟之庭祝

史立于社百官各警其事御于君以待命乃大鼓于廟門

詔將帥命卒習射三發擊刺三行告廟用兵于敵也五兵

備效乃鼓而出以即敵此諸侯應敵之禮也孔叢子○君以

軍行祓社釁鼓師出先有事祓禱於社謂之宜社於此殺牲以血塗鼓釁為釁鼓祝奉以

從奉社主也○定四年左氏傳○公族其在軍則守於公禰謂從軍者公禰行主

也行以遷主言禰在外親也○文王世子○凡侯伯救患分災討罪禮也侯伯州長

也分穀帛○僖元年左氏傳

右諸侯伐國應敵○公曰嗟人無譁聽命徂茲淮夷

征伐

三

三

徐戎並興漢孔氏曰徐戎淮夷並起寇魯伯禽為方伯帥諸侯之師以征歎而赦之使無喧譁

欲其靜聽誓命蘇氏曰淮夷叛已久矣及伯禽就國又脅徐戎並起故曰徂茲淮夷徐戎並興徂茲者猶

曰徂善敕乃甲冑敵乃干無敢不弔備乃弓矢鍛乃

者云

戈矛礪乃鋒刃無敢不善殺縫完也縫完其甲冑勿使斷毀敵鄭氏云猶繫也

王肅云敵楯當有紛繫持之弔精至也鍛淬礪磨也甲冑所以衛身弓矢戈矛所以克敵先自衛而後攻人亦其今惟淫舍牯牛馬杜乃搜斂乃弃無敢傷牯

序也

牯之傷汝則有常刑淫大也牯閑牧也搜機檻也斂塞也師既出牛馬所舍之閑牧大布于野當室寒其搜穿一或不謹而傷閑牧之牛馬則有常刑此令軍在所之居民也舉此例之凡川梁藪澤險阻屏翳有害于師馬牛其風臣妾逋逃無

屯者皆在矣此除道路之事

敢越逐祇復之我商賚汝乃越逐不復汝則有常刑

無敢寇攘踰垣牆竊馬牛誘臣妾汝則有常刑役人賤者

男曰臣女曰妾馬牛風逸臣妾逋亡不得越軍壘而逐之失主雖不得逐而人得風馬牛逃臣妾者又當敬還之我商度多寡以賞汝如或越逐而失伍不復而攘取皆有常刑有故竊奪踰垣牆竊人牛馬誘人臣妾者亦有常刑甲戌我惟征徐戎峙乃糗糧無敢

此嚴部伍之事

不逮汝則有大刑魯人三郊三遂峙乃楨榦甲戌我

惟築無敢不供汝則有無餘刑非殺魯人三郊三遂

峙乃芻芟無敢不多汝則有大刑甲戌用兵之期也峙儲備也楨榦食

也不逮若今之乏軍興淮夷徐戎並起今所攻獨徐戎者蓋量敵之堅瑕緩急而攻之也國外曰郊郊外

曰遂天子六軍則六鄉六遂大國三軍故魯三郊三遂也楨榦版築之木題曰楨牆端之木也旁曰榦牆兩邊障土者也以是日征是日築者彼方禦我之攻勢不得擾我之築也無餘刑非殺者刑之非一但不至於殺爾芻芟供軍牛馬之用軍以期會芻糧為急故皆服大刑楨榦芻芟獨言魯人者地近而致便也

○費 ○鄭伯將伐許五月甲辰授兵於大宮大宮鄭祖廟

隱十一年左傳 ○宋人弒昭公趙宣子請師於靈公以伐宋發令於太廟召軍吏而戒樂正正長也軍吏主師旅樂正主鍾鼓令

三軍之鍾鼓必備趙同曰國有大役不鎮撫民而備

鍾鼓何也宣子曰大罪伐之小罪憚之憚懼也襲侵之

事陵也輕曰襲無鍾鼓曰是故伐備鍾鼓聲其罪也

以聲張戰以錙于丁寧儆其民也錙于形如確頭與鼓相和丁寧者謂

錙也儆戒也唐尚書云錙于襲侵密聲為整事也襲

其無今宋人弒其君罪莫大焉明聲之猶恐其不聞

也吾備鍾鼓為君故也為欲尊明君道乃使旁告于諸侯治

兵振旅鳴鍾鼓以至於宋國語 ○齊侯來獻戎捷非

禮也凡諸侯有四夷之功則獻于王王以警于夷以

懼夷中國則否諸侯不相遺俘雖夷狄俘猶不以相遺 ○莊三十一年左

氏 ○晉侯及楚人戰于城濮楚師敗績獻楚俘于王

駟介百乘徒兵千駟介四馬被甲徒兵走卒 ○晉侯

使鞏朔獻齊捷于周王弗見使單襄公辭焉曰蠻夷

戎狄不式王命式用也淫泆毀常王命伐之則有獻捷

王親受而勞之所以懲不敬勸有功也兄弟甥舅侵

敗王略兄弟同姓國甥舅異姓國略經略法度王命伐之告事而已不

獻其功所以敬親昵告伐事而不獻囚俘禁淫慝也淫慝謂誑掠百姓取

囚俘也今叔父克遂有功于齊克能也而不使命卿鎮撫

王室所使來撫余一人而鞏伯實來未有職司於王

室鞏朔上軍大夫非命卿名位不達于王室又奸先王之禮謂獻齊捷余雖欲

於鞏伯欲受其獻其敢廢舊典以忝叔父夫齊甥舅之國

也而大師之後也齊世與周昏故曰甥舅寧不亦淫從其欲以

怒叔父抑豈不可諫誨士莊伯不能對莊伯鞏朔成二年左氏

傳○戰于邲晉師敗績楚潘黨曰君盍築武軍築軍營以

彰武功而收晉尸以為京觀積尸封土其上謂之京觀楚子曰古者

明王伐不敬取其鯨鯢而封之以為大戮於是乎有

京觀以懲淫慝鯨鯢大魚名以喻不義之人吞食小國今罪無所晉罪

也而民皆盡忠以死君命又可以為京觀乎祀于河

作先君宮告成事而還傳言楚莊有禮所以遂與○宣十二年左氏傳

同邑後學
戴揚休
俞肇綸校
俞鎮璣

禮書綱目卷之五十一終

禮書綱目卷之五十一

婺源江 永編

軍通禮

軍禮四

補

大宗伯以軍禮同邦國

同謂威其不協僭差者軍禮之別有五

○小宰以官

府之六聯合邦治四曰軍旅之聯事以灋掌戒具軍旅亦

如之令百官府共其財用治其施舍聽其治訟天官○班朝

治軍蒞官行法非禮威嚴不行禮曲○以之軍旅有禮故武

功成也若無禮軍旅武功失其制仲尼燕居

右總要

帝曰臯陶蠻夷猾夏寇賊姦宄汝作士

舜典

○大戰于甘乃

召六卿

六卿六鄉之卿也按周禮鄉大夫每鄉卿一人六鄉六卿平居無事則各掌其鄉之政教禁令而屬

于大司徒有事出征則各屬其鄉之一萬二千五百人而屬於大司馬所謂軍將皆卿者是也意夏制亦如此○甘

誓

○惟仲康肇位四海胤侯命掌六卿

仲康太康之弟胤侯胤國之侯命掌

六師命為大司馬也仲康始即位即命胤侯以掌六師次年方有征羲和之命必本始而言者蓋史臣善仲康肇位

之時已能收其兵權故羲和之征猶能自天子出也○胤征

○司馬掌邦政統六師平

邦國

詳見職官

○乃立夏官司馬使帥其屬而掌邦政以佐王

平邦國大司馬卿一人小司馬中大夫二人軍司馬下大

夫四人與司馬上士八人行司馬中士十有六人旅下士

三十有二人萬有二千五百人為軍軍將皆命卿二千有

五百人為師師帥皆中大夫五百人為旅旅帥皆下大夫

同 ○大司馬以九伐之灋正邦國

諸侯有違王命則出兵以征伐之所以正之也

諸侯之於國如樹木之有根本是以言伐云

馮弱犯寡則眚之

馮猶乘陵也言不字小而侵侮

之管猶人管瘦也王

賊賢害民則伐之

春秋傳曰粗者曰侵精者曰伐又曰

竟鳴鐘鼓以伐則伐者兵入其

暴內陵外則壇之

內謂諸侯外謂諸侯

壇讀如同墀之墀王霸記曰置之空壇之地鄭司農云壇讀從憚之以威之憚書亦或為墀元謂置之空壇以出其

君更立其

野荒民散則削之

荒蕪也田不治民不附

負固

不服則侵之

負猶恃也固險可依以固者也不服不事大也侵之者兵加其竟而已用兵淺者詩曰密

人不恭敢 賊殺其親則正之 正之者執而治其罪王霸記曰正殺之也春秋僖公二十

八年冬晉人執衛侯歸之于京師坐殺其弟叔武 放弑其君則殘之 放逐也殘殺也王霸記曰

殘滅其 犯令陵政則杜之 命猶命也王霸記曰犯令者違命也陵政者輕政法不循也杜

之者杜塞使不得與鄰國交通 外內亂鳥獸行則滅之 王霸記曰悖人倫外內無以異于禽

獸不可親百姓則誅滅去之也曲禮曰夫唯禽獸無禮故父子聚麀 ○小司馬掌 闕 ○軍司

馬 闕 ○輿司馬 闕 ○行司馬 闕 ○都司馬掌都之士庶子

及其衆庶車馬兵甲之戒令 庶子卿大夫士之子車馬兵甲備軍發卒 家司馬

亦如之 大夫家臣為司馬者春秋傳曰叔孫氏之司馬驪戾○並夏官

右兵柄○孔子曰天下有道則禮樂征伐自天子出

天下無道則禮樂征伐自諸侯出 論語 ○孟子曰天子

討而不伐諸侯伐而不討五霸者搜諸侯以伐諸侯

者也故曰五霸者三王之罪人也 討者出命以討其罪而使方伯連帥

帥諸侯以伐之也伐者奉天子之命聲其罪而伐之也搜牽也五霸牽諸侯以伐諸侯不用天子之命也

孟春不可以稱兵稱兵必天殃兵戎不起不可從我始毋

變天之道毋絕地之理毋亂人之紀○仲春毋作大事以

妨農之事○季夏不可以起兵動衆○孟秋立秋之日天

子親帥三公九卿諸侯大夫以迎秋於西郊還反賞軍帥

武人於朝天子乃命將帥選士厲兵簡練桀俊專任有功

以征不義誅暴慢以明好惡順彼遠方○仲秋凡舉大

事毋逆大數必順其時慎因其類竝詳月令○伐不踰時戰不

逐奔誅不填服來服者不復填壓之苞人民毆牛馬曰侵斬樹木壞

宮室曰伐制其人民毆其牛馬賊去之後則可還反樹木斬不復生宮室壞不自成故其為害重也○隱

五年穀梁傳○凡師有鍾鼓曰伐聲其罪無曰侵鍾鼓無聲輕曰襲掩其

不備○莊二十九年左氏傳○師出不正反戰不正勝也不正者不正自謂出當復

反戰當必勝○僖二十六年公羊傳○善為國者不師道之以德齊之以禮

若親戚何師之為善師者不陳師眾素嚴不須耀軍列陳善陳

者不戰軍陳嚴整敵望而畏之莫敢戰善戰者不死投兵勝地故無死者

死不善死者不亡民盡其命無奔背散亡者也江熙曰見危

傳○戎昭果毅以聽之之謂禮聽謂常存於耳著於心想聞其政令殺敵為

果致果為毅易之戮也易反易○宣二年左氏傳○見可而進知難而

退軍之善政也兼弱攻昧武之善經也昧昏亂經法也○宣十二年左氏傳

○仁人之兵聚則成卒散則成列卒卒伍列行列言動皆有備也延則若

莫邪之長刃嬰之者斷兌則若莫邪之利鋒當之者潰兌猶

聚也與隊同謂聚之使短潰壞散也新序作銳則若莫邪之利鋒也圜居而方正則若盤石

然觸之者角摧圜居方正謂不動時也則○王者之軍制

將死鼓死謂不棄之而奔亡也左傳御死轡百吏死職士

豐書綱目卷五十一軍通禮四

大夫死行列聞鼓聲而進聞金聲而退順命為上有功次

之軍之所重在順命故有功次之令不進而進猶令不退而退也其罪惟

均令教令也言使之不進而進不殺老弱不獵禾稼獵與

也踐服者不禽格者不赦犇命者不獲服謂不戰而退者不

命者不獲之為囚俘也凡誅非誅其百姓也誅其亂百姓

者也百姓有扞其賊則是亦賊也謂為賊之扞蔽也以故順刃者

生蘇刃者死犇命者貢順刃謂不戰借之而走者蘇讀為

歸命者獻於上將也○王者有誅而無戰城守不攻兵革不擊德義

也所以敵人不攻故不攻擊上下相喜則慶之敵人上下相

之豈尚不屠城屠謂毀其城殺其不濬軍不留眾不久留暴露于

外師不越時古者行役故亂者樂其政不安其上欲其至

也東征西怨之○古者戍軍三年不典觀民之勞也上下

相報若此和之至也得意則愷歌喜也偃伯靈臺答民之

勞示休也○古者以仁為本以義治之之謂正正不獲意

則權權出於戰不出於中人是故殺人安人殺之可也攻

其國愛其民攻之可也以戰止戰雖戰可也故仁見親義

見說智見恃勇見方信見信內得愛焉所以守也外得威

焉所以戰也戰道不違時不歷民病所以愛吾民也不加

喪不因凶所以愛夫其民也冬夏不興師所以兼愛其民也故國雖大好戰必亡天下雖安忘戰必危天下既平天子大愷春蒐秋獮諸侯春振旅秋治兵所以不忘戰也古者逐奔不過百步縱綏不過三舍是以明其禮也不窮不能而哀憐傷病是以明其仁也成列而鼓是以明其信也爭義不爭利是以明其義也又能舍服是以明其勇也知終知始是以明其智也六德以時合教以爲民紀之道也自古之政也○天子之義必純取法天地而觀於先聖士庶之義必奉於父母而正於君長故雖有明君士不先教

不可用也古之教民必立貴賤之倫經使不相陵德義不相踰材技不相掩勇力不相犯故力同而志和也古者國容不入軍軍容不入國故德義不相踰上貴不伐之士不伐之士上之器也苟不伐則無求無求則不爭國中之聽必得其情軍旅之聽必得其宜故材技不相掩從命爲士上賞犯命爲士上戮故勇力不相犯既致教其民然後謹選而使之事極脩則百官給矣教極省則民興良矣習貫成則民體俗矣教化之至也古者逐奔不遠縱綏不及不遠則難誘不及則難陷以禮爲固以仁爲勝既勝之後其

教可復是以君子貴之也竝司馬法○古者師出不踰時者為

怨思也王者有三年之喪夷狄有內侵伐之者重天誅為

宗廟社稷也誅不避親戚何所以明善善惡惡之義也諸

侯有三年之喪有罪且不誅何君子恕已哀孝子之思慕

不忍加刑罰也白虎通

右用兵○穆王將征犬戎穆王周康王之孫昭王之

子穆王滿也征正也上討祭公謀父諫曰祭畿內之國周公

之後為王卿士謀父字也傳曰先王耀德不觀兵耀明也觀示

也明德尚道化也不示兵者有大罪惡然夫兵戢而時動動則威

後致誅不以小小而示威武戢聚也威畏也時動謂三時務農

一時講武守則有財征則有威觀則玩玩則無震

玩驥也夫先王之制邦內甸服邦外侯服侯衛賓服

震懼也蠻夷要服戎翟荒服甸服者祭侯服者祀賓服者享

要服者貢荒服者王日祭月祀時享歲貢終王先王

之訓也注見封建有不祭則修意意志意也謂邦甸

日祭者先修意以自有不祀則修言言號有不享則

脩文文法也有不貢則修名名謂尊卑職貢之名號晉

有不王則修德遠人不服則修序成而有不王則修

刑序成謂上五者次序也已於是乎有刑不祭伐不

祀征不享讓不貢讓譴責也告不王謂以文辭告曉之地遠者卑輕也於

是乎有刑罰之辟刑不祭也有攻伐之兵伐不祀也有征討之

備征不享也有威讓之令讓不貢也有文告之辭告不王也不布令陳

辭而又不至則又增修於德無勤民於遠勤勞也是以

近無不聽遠無不服今自大畢伯仕之終也大畢伯仕犬戎

氏之二君終卒也犬戎氏以其職來王以其職謂其嗣子以其貴珞來見王也

天子曰予必以不享征之且觀之兵征賓服之禮以責犬戎而示之

兵非也其無乃廢先王之訓而王幾頓乎幾危也頓敗也王不

聽遂征之得四白狼四白鹿以歸白狼白鹿犬戎所貢自是荒

服者不至穆王責犬戎以非禮暴兵露師傷威毀信故荒服者不至○周語 ○宋襄

公及楚人戰于泓宋人既成列楚人未既濟未盡渡泓水

司馬曰子魚也彼眾我寡及其未既濟也請擊之公曰

不可既濟而未成列又以告公曰未可既陳而後擊

之宋師敗績公傷股門官殲焉門官守門者師行則在君左右殲盡也

國人皆咎公公曰君子不重傷不禽二毛二毛頭白有二色

古之爲軍也不以阻隘也不因阻隘以求勝寡人雖亡國之

餘宋商紂之後不鼓不成列取以詐勝子魚曰君未知戰勅敵

之人隘而不列天贊我也勅強也言楚在險隘不阻得陳列天所以佐宋

而鼓之不亦可乎猶有懼焉

雖因阻擊之猶恐不勝

且今之勅

者皆吾敵也雖及胡者獲則取之何有於二毛

今之勅者

謂與吾競者胡者元老之稱

明恥教戰求殺敵也

明設刑戮以恥不果

傷未

及死如何勿重

言尚能害己

若愛重傷則如勿傷愛其二

毛則如服焉

言苟不欲傷殺敵人則本可不須鬪

三軍以利用也

為利與

金鼓以聲氣也

鼓以佐士衆之聲氣

利而用之阻隘可也聲盛

致志鼓儻可也

儻巖未整陳○僖二十二年左氏傳

○吳侵陳斬祀殺

厲祀神位有屋樹者厲疫病吳侵陳以魯哀元年秋

師還出竟陳大宰嚭使

於師夫差謂行人儀曰是夫也多言盍嘗問焉師必

有名人之稱斯師也者則謂之何

大幸行人官名也夫差吳子光之子

盍何不也嘗猶試也夫差修舊怨庶幾其師有善名

大宰嚭曰古之侵伐者不

斬祀不殺厲不獲二毛

獲謂係虜之二毛鬢髮斑白

今斯師也殺

厲與其不謂之殺厲之師與

欲微切之故其言似若不審然正言殺厲重人

曰反爾地歸爾子則謂之何

子謂所獲民臣

曰君王討敝邑

之罪又矜而赦之師與有無名乎

又微勸之終其意吳楚僭號稱王○

檀○工尹商陽與陳弃疾追吳師及之

工尹楚官名弃疾楚公子

弃疾也以魯昭八年帥師滅陳縣之楚人善之因號焉至十二年楚子狩于州來使蕩侯潘子司馬督囂

尹午陵尹喜圍徐以懼吳於時有吳師陳或作陵楚人聲陳弃疾謂工尹商陽曰

王事也子手弓而可手弓子射諸商陽仁不忍傷射人以王事勸之

之斃一人韃弓不忍復射斃也又及謂之又斃二人每

斃一人揜其目止其御曰朝不坐燕不與殺三人亦

足以反命矣朝燕於寢大夫坐于上士立于下然則商陽與御者皆士也兵車參乘射者在

左戈盾在右孔子曰殺人之中又有禮焉善之○子

路怫然進曰人臣之節當君大事唯力所及死而後

已夫子何善此子曰然如汝言也吾取其有不忍殺

人之心而已家語○晉士句帥師侵齊至穀聞齊侯卒

乃還詳錄所至及還者善得禮聞喪而還禮也禮之常不必待君命○襄十九年左

氏傳○還者何善辭也何善爾大其不伐喪也此受命

乎君而伐齊則何大乎其不伐喪大夫以君命出進

退在大夫也禮兵不從中御外臨事制宜當敵為帥唯義所在士句聞齊侯卒引師而去恩

動孝子之心義服諸侯之君是後兵寢數年故起時善之言乃者士句有難重廢君命之心故見之言至

穀者未侵齊也言聞者在竟外舉侵者張本○公羊傳 ○受命而誅生死無所

加其怒不伐喪善之也穀梁傳

保氏養國子以道教六儀五日軍旅之容軍旅之容暨暨

○戎容暨暨果毅貌也言容諮諮教令嚴也色容厲肅儀形貌也視容清

明察於事也○軍旅之志怫然愠然精以厲軍旅之容玉藻

然肅然固以猛軍旅之視固植虎張屏氣折聲軍旅之言

也賈誼新書容經○介冑則有不可犯之色貌與事宜相配○曲禮○勃

然充滿者兵革之色也說苑○介者不拜為其拜而菱拜則

失容節菱猶詐也○曲禮○乘兵車出先刃入後刃不以刃鄉國也軍尚左左

也陽主生將軍有廟勝之策左將軍為上貴不敗績卒尚右右陰也陰主殺卒之行

○少儀○兵車不式尚威武武車綏旌盡飾也綏謂垂舒之○曲

禮○禮介者不拜兵車不式不顧不言反抑式以應武容

也兵車之容也容○野外軍中無摯以纓拾矢可也非為禮之

處用時物相禮而已纓馬繁纓也拾謂射鞬○曲禮○軍旅什伍同爵則尚齒而第

達乎軍旅矣什伍士卒部曲也少儀曰○軍旅思險隱情

以虞險阻出奇覆護之處也隱意也思也虞度也當○古

者國容不入軍軍容不入國軍容入國則民德廢國容入

軍則民德弱故在國言文而語溫在朝恭以遜修己以待

人不召不至不問不言難進易退在軍抗而立行逐而

果介者不拜兵車不式城上不趨危事不齒故禮與法表

裏也文與武左右也司馬法

右軍容○郤至三遇楚子之卒見楚子必下免冑而

趨風疾如楚子使工尹襄問之以弓問遺曰方事之

豐書綱目 卷五十一 軍通禮 十一

殷也殷盛也有鞅韋之跗注君子也鞅赤色跗注戎服若袴而屬於跗與

連識見不穀而趨無乃傷乎恐其傷卻至見容免胄承

命曰君之外臣至從寡君之戎事以君之靈問蒙甲

胄間猶近也不敢拜命介者不拜敢告不寧君命之辱以君辱賜命故

不敢為事之故敢肅使者言君辱命來問以有軍事不得答故肅使者肅手至

地若今擡三肅使者而退成十六年左氏傳

用命賞于祖不用命戮于社詳征伐誓禁章○司勳掌六鄉賞地

之灋以等其功戰功曰多尅敵出奇若韓信陳平司馬法曰上多前虜○古

者賢王明民之德盡民之善故無廢德無簡民賞無所生

罰無所試有虞不賞不罰而民可用至德也夏賞而不罰

至教也殷罰而不賞至威也周以賞罰德衰也賞不踰時

欲民速得為善之利也罰不遷列欲民速覩為不善之害

也大捷不賞上下皆不伐善上苟不伐善則不驕矣下苟

不伐善必亡等矣上下不伐善若此讓之至也大敗不誅

上下皆以不善在己上苟以不善在己必悔其過下苟以

不善在己必遠其罪上下分惡若此讓之至也司馬法

右賞罰○桓公二年冬公至自唐告于廟也凡公行

告于宗廟反行飲至舍爵策勳焉禮也爵飲酒器也既飲置爵則

豐書訓目

卷五十一 軍通禮 十三

書勳勞於策言速紀有功也左氏傳 ○晉侯入曹令無入僖負羈之

宮而免其族魏犢顛頡燕僖負羈氏燕燒也 殺顛頡以

徇于師立舟之僑以為戎右舟之僑故號臣閔二年奔晉以代魏犢為先歸

張本城濮之戰晉中軍風于澤牛馬因風而走皆失之 亡大旆之

左旆大旆旗名繫旒日旆通帛日旆 祁瞞奸命掌此二事而不修為奸軍令 司馬

殺之以徇于諸侯師還濟河舟之僑先歸秋七月丙

申振旅愷以入于晉愷樂也 獻俘授馘飲至大賞授數也獻

楚俘于廟 殺舟之僑以徇于國民於是大服君子謂文公

其能刑矣三罪而民服三罪顛頡祁瞞舟之僑 詩云惠此中國

以綏四方不失賞刑之謂也詩大雅言賞刑不失則中國受惠四方安靖

僖二十八 ○晉侯之弟揚干亂行於曲梁行陳次 魏絳

戮其僕僕御也 晉侯怒魏絳至授僕人書僕人晉侯御僕 將伏

劔公讀其書曰日君之使使臣斯司馬斯此也 臣聞師

眾以順為武順莫敢違 軍事有死無犯為敬守官行法雖死不敢有違

君合諸侯臣敢不敬君師不武執事不敬罪莫大焉

臣懼其死以及揚干無所逃罪懼自犯不武不敬之罪 不能致

訓至於用鉞用鉞斬揚干之僕 臣之罪重敢有不從以怒君

心言不敢不從戮 請歸死於司寇致尸於司寇使戮之 公跣而出曰寡



人之言親愛也吾子之討軍禮也寡人有弟弗能教

訓使干大命寡人之過也子無重寡人之過聽絳死為重過

敢以為請請使無死晉侯以魏絳為能以刑佐民矣反役

與之禮食使佐新軍羣臣旅會今欲顯絳故特為設禮食○襄三年左氏傳

子路問於孔子曰臧武仲率師與邾人戰于狐貍遇

敗焉師人多喪而無罰古之道然與孔子曰凡謀人

之軍師敗則死之謀人之國邑危則亡之利已亡象非忠也言

亡之者雖辟賢非義退古之正也其君在焉者有詔則無討詔君

之教也有君教則臣無討古之為軍也軍有左右闕從補之左右

部也闕缺也成而不知是以寡敗不知敵不若以下貳上

闕而不變敗弗補也變更也變非聲章弗能移也聲金鼓也

章旌旗也移動也聲章過數則有釁有釁則敵入釁隙也軍法進退旂

鼓有數過則有隙敵見隙而犯已也敵入而凶救敗不暇誰能退敵敵


之如志國之憂也可以陵小難以征大以下貳上可以

難以征大國○孔叢子鄭伯賞入陳之功享子展賜之先路

三命之服先路次路皆王所賜車之總名蓋請之於王先八邑以路及命服為邑先

八邑三十二井賜子產次路再命之服先六邑子產辭邑曰

自上以下隆殺以兩禮也臣之位上卿子展次卿子西十一在四



年良霄見經十九年乃且子展之功也臣不敢及賞

立子產為卿故位在四禮請辭邑賞禮以禮見公固予之乃受三邑位次當受二邑

以公固與之故受三邑○襄二十六年左氏傳○晉趙鞅帥師及鄭罕達帥

師戰于鐵簡子誓曰克敵者上大夫受縣下大夫受

郡周書作雒篇千里士田十萬十萬畝也庶人工商遂得

進人臣隸圉免去廝志父無罪君實圖之志父趙簡子之一名

也言已事濟君當圖其賞若其有罪絞緼以戮絞所以桐棺三寸

不設屬辟屬辟棺之重數王棺四重君再重大夫一重素車樸馬以載無

入于兆兆葬下卿之罰也為眾設賞自設罰所以能克敵○哀二年左氏傳

同邑後學 戴揚休 俞肇綸校

俞鎮璣

禮書綱目卷之五十一 終

禮書綱目

卷五十一

軍通禮

十五

禮書綱目卷之五十二

婺源江 永編

田役

軍禮五

補

大宗伯以軍禮同邦國大田之禮簡衆也

古者因田習兵閱其車徒之數

大役之禮任衆也

築宮邑所以事民力強弱○春官

○小宰以官府之六

聯合邦治五曰田役之聯事以灋掌祭祀之戒具田役亦

如之令百官府共其財用治其施舍聽其治訟

詳見通禮職官下篇

○宰夫凡禮事贊小宰比官府之具

同上

○士師以五戒先

後刑罰三曰禁用諸田役

禁則軍禮曰無干車無自後射此其類也○秋官

右通言田役

春獵為蒐

搜索取不任者

夏獵為苗

為苗稼除害

秋獵為獮

順殺氣也

冬獵

為狩

得獸取之無所擇

宵田為獠

管子曰獠獵畢弋今江東亦呼獵為獠或曰即今夜獵載鑪照

也火田為狩

放火燒草獵亦為狩○爾雅

○大司馬中春教振旅司馬

以旗致民平列陳如戰之陳

以旗者立旗期民於其下也兵者守國之備孔子曰以不

教民戰是謂棄之兵者凶事不可空設因蒐狩而習之凡

師出曰治兵入曰振旅皆習戰也四時各教民以其一焉

春習振旅兵入收衆辨鼓鐸鑼之用王執路鼓諸侯執

賁鼓軍將執晉鼓師帥執提旅帥執鼙卒長執鐃兩司馬

執鐸公司馬執鑼

鼓人職曰以路鼓鼓鬼享以賁鼓鼓軍事以晉鼓鼓金奏以金鐃止鼓以金鐸

通鼓以金鑼節鼓鄭司農云辨鼓鐸鑼鑼之用謂鉦鐸之屬鑼讀如濁其源之濁鐃讀如謹曉之曉提讀如攝提之提謂馬上鼓有曲木提持立馬髦上者故謂之提杜子春云公司馬謂五人為伍伍之司馬也元謂王不執賁鼓尙之於諸侯也伍長謂之以教坐作進退疾徐疏數之節習公司馬者雖卑同其號

法遂以蒐田有司表貉誓民鼓遂圍禁火弊獻禽以祭社

春田為蒐有司大司徒也掌大田役治徒庶之政令表貉立表而貉祭也誓民誓以犯田法之罰也誓曰無干車無自後射立旌遂圍禁旌弊爭禽而不審者罰以假馬禁者虞衡守禽之厲禁也既誓令鼓而圍之遂蒐田火弊火止也春田主用火因焚萊除陳草皆殺而火止獻猶致也屬也田止虞人植旌衆皆獻其所獲禽焉詩云言私其縱獻紆于公春田主祭社者土方施生也鄭司中夏教芟舍如農云貉讀為禡禡謂師祭也書亦或為禡

振旅之陳羣吏撰車徒讀書契辨號名之用帥以門名縣

鄙各以其名家以號名鄉以州名野以邑名百官各象其事以辨軍之夜事其他皆如振旅

法撰讀曰算算車徒謂數擇之也讀書契以簿書校錄軍實之凡要號名者微識所以相別也鄉遂之屬謂之名家之屬謂之號百官之屬謂之事在國以表朝位在軍又象其制而為之被之以備死事帥謂軍將及師帥旅帥至伍長也以門名者所被微識如其在門所樹者也凡此言以也象也皆謂其制同耳軍將皆命卿古者軍將蓋為營治於國門魯有東門襄仲宋有桐門右師皆上卿為軍將者也縣鄙謂縣正鄙師至鄰長也家謂食采地者之臣也鄉以州名亦謂州長至比長也野謂公邑大夫百官以其職從王者此六者皆書其官與名氏焉門則襄仲右師明矣鄉則南鄉甄東鄉為人是也其他象此云某某之名某某之號某某之事而已未盡聞也鄉遂大夫文錯不見以其素信於民不為軍將或為諸帥是以闕焉夜事遂以苗由戒夜守之事草止者慎於夜於是主別其部職

如蒐之灋車弊獻禽以享禱

夏田為苗擇取不孕任者若獸之車止也夏田主用車示所取物希者皆殺而車止王制曰天子殺則下大綏諸侯殺則下小綏大夫殺則止佐車佐車止則百姓田獵禘宗廟之夏祭也冬中

如振旅之陳辨旗物之用王載大常諸侯載旂軍吏載旗師都載旛鄉遂載物郊野載旒百官載旗各書其事與其號焉其他皆如振旅

軍吏諸軍帥也師都遂大夫也鄉遂無所將也郊謂鄉遂之州長縣正以下也野謂公邑大夫載旒者以其將羨卒也百官鄉大夫也載旗者以其屬衛王也凡旌旗有軍旅者畫異物無者帛遂以獮田如蒐田而已書當為畫事也號也皆畫以雲氣

之灋羅弊致禽以祀祊

秋田為獮獮殺也羅弊罔止也秋田主用罔中殺者多也皆殺而罔

止祈當為方聲之誤也秋田主祭四方報成萬物詩日以社以方中冬教大閱春辨鼓鐸

秋辨旗物至冬大閱簡軍實凡頒旗物以出軍之旗則如秋以尊卑之常則如冬司常佐司馬時也大閱備軍禮而

旌旗不如出軍前期羣吏戒衆庶脩戰灋羣吏鄉師以下虞人萊

所田之野為表百步則一為三表又五十步為一表田之

日司馬建旗于後表之中羣吏以旗物鼓鐸鑼各帥其

民而致質明弊旗誅後至者乃陳車徒如戰之陳皆坐鄭

農云虞人萊所田之野芟除其草萊令車得驅馳詩曰田

卒汚萊元謂萊芟除可陳之處後表之中五十步表之中

央表所以識正行列也四表積二百五十步左右之廣當

容三軍步數未聞致致之司馬質正也弊仆也皆坐當聽

誓羣吏聽誓于陳前斬牲以左右徇陳曰不用命者斬之

羣吏諸軍帥也陳前南面鄉表也月令季秋天子教於田

獵以習五戎司徒摺扑北面以誓之此大閱禮實正歲之

中冬而說季秋之政於周為中冬為月令者失之矣中軍

斬牲者小子也凡誓之大略甘誓湯誓之屬是也

以聲令鼓鼓人皆三鼓司馬振鐸羣吏作旗車徒皆作鼓

行鳴鑼車徒皆行及表乃止三鼓攬鐸羣吏弊旗車徒皆

坐中軍中軍之將也天子六軍三三而居一偏羣吏既聽

誓各復其部曲中軍之將令鼓鼓以作其士衆之氣也

鼓人者中軍之將帥旅帥也司馬兩司馬也振鐸以作

衆作起也既起鼓人擊鼓以行之伍長鳴鑼以節之伍長

一曰公司馬及表自後表前至第二表也三鼓者鼓人也

鄭司農云攬讀如弄元謂如涿鹿之鹿掩上振之為攬攬

者止行息氣也司馬法曰鼓聲不過琅又三鼓振鐸作旗車徒

過聞聲聲不過闌鐸聲不過琅

皆作鼓進鳴鑼車驟徒趨及表乃止坐作如初趨者赴敵

尚疾之漸

豐書綱目 卷五十二 田役 四

也春秋傳曰先人有奪人之
心及表自第二前至第三
乃鼓車馳徒走及表乃止
表及

自第三前
鼓戒三闕車三發徒三刺
鼓戒戒攻敵鼓壹闕
車壹轉徒壹刺三而

止象
乃鼓退鳴鑿且卻及表乃止坐作如初
鑿所以止鼓
軍退卒長鳴

鑿以和衆鼓人爲止之也退自前表至後表鼓
鐸則同習戰之禮出入一也異者廢鐸而鳴鑿
遂以狩田

以旌爲左右和之門羣吏各帥其車徒以叙和出左右陳

車徒有司平之旗居卒閒以分地前後有屯百步有司巡

其前後險野人爲主易野車爲主
冬田爲狩言守取之無
所擇也軍門曰和今謂

之壘門立兩旌以爲之叙和出用次第出和門也左右或
出而左或出而右有司平之鄉師居門正其出入之行列

羣軍吏所載分地調其部曲疏數前後有屯百步車徒異
羣相去之數也車徒畢出和門鄉師又巡其行陳鄭司農

云險野人爲主人居前
既陳乃設驅逆之車有司表貉于

易野車爲主車居前
陳前
驅驅出禽獸使趨田者也逆逆
中軍以鼙令鼓鼓人

要不得令走設此車者田僕也
皆三鼓羣司馬振鐸車徒皆作遂鼓行徒銜枚而進大獸

公之小禽私之獲者取左耳
羣司馬謂兩司馬也枚如箸
銜之有繘結項中軍法止語

爲相疑惑也進行也鄭司農云大獸公之輸之于公小禽
私之以自畀也詩云言私其縱獻豨于公一歲爲縱二歲

爲犯三歲爲特四歲爲狝五歲爲慎此明其獻大者於公
自取其小者元謂慎讀爲麋爾雅曰豕生三日縱豕牡曰

犯麋牝曰麋獲得也得禽
及所弊鼓皆賊車徒皆譟鄭司
農云

獸者取左耳當以計功
及所弊之處元謂至所弊之處田所當於止也天

子諸侯蒐狩有常至其常處吏士鼓譟象攻敵尅勝而喜
也疾雷擊鼓曰賊譟謹也書

徒乃弊致禽饁獸于郊入獻
曰前師乃鼓譟亦謂喜也

禽以享烝徒乃弊徒止也冬田主用衆物多衆得取也致禽盭獸于郊聚所獲禽因以祭四方神於郊月令季秋天子既田命主祠祭禽四○鄉師凡四時之田前方是也入又以禽祭宗廟○夏官

期出田灋于州里簡其鼓鐸旗物兵器脩其卒伍田法人徒及所

當及期以司徒之大旗致衆庶而陳之以旗物辨鄉邑而

治其政令刑禁巡其前後之屯而戮其犯命者斷其爭禽

之訟司徒致衆庶者以熊虎之旗此又以之明為司徒致之大夫致衆當以鳥隼之旗陳之以旗物以表正其

行列辨別異也故書巡作述屯或為髻鄭大夫讀屯為課殿杜子春讀為在後曰殿謂前後屯兵也元謂前後屯車

徒異部也今書多○山虞若大田獵則萊山田之野及弊為屯從屯○地官

田植虞旗于中致禽而珥焉萊除其草萊也弊田田者止也植猶樹也田止樹旗令獲

者皆致其禽而校其耳以知獲數也山虞有旗以其主山得畫熊虎其勿數則短也鄭司農云珥者取禽左耳以效

功也大司馬職○澤虞若大田獵則萊澤野及弊田植虞

旌以屬禽屬禽猶致禽而珥焉澤虞有旌以其主○牧師

凡田事贊焚萊焚萊者山澤之虞○夏官○大司徒大田役以旗致萬

民而治其徒庶之政令旗畫熊虎者也徵衆刻日○小司

徒惟田與追胥謁作詳見下章○州長若國作民而師田行役

之事則帥而致之掌其戒令與其賞罰○黨正凡作民而

師田行役則以其灋治其政事○族師若作民而師田行

役則合其卒伍簡其兵器以鼓鐸旗物帥而至掌其治令

戒禁刑罰○縣師若將有田役之戒則受灋於司馬以作其衆庶及馬牛車輦會其車人之卒伍使皆備旗鼓兵器以帥而至○遂人若起野役則令各帥其所治之民而至以遂之大旗致之其不用命者誅之師田作野民帥而至掌其政治禁令○遂師田獵平野民掌其禁令比敍其事而賞罰○縣正若將用野民師田行役則帥而至治其政令○鄙師凡作民則掌其戒令○鄩長若作其民而用之則以旗鼓兵革帥而至○稍人若有師田行役之事則以縣師之灋作其同徒輦輦帥而以至治其政令以聽于司

馬已上注並見征伐篇○司常凡軍事建旌旗及致民置旗弊之始

旗以致民民至甸亦如之春○幕人凡田役共其帷幕幄

帟綬共之者掌次當以張○天官○掌次師田則張幕設重帟重案諸

侯師田則張幕設案孤卿有邦事則張幕設案註見征伐○司

弓矢田弋充籠箠矢共矰矢籠竹箠也矰矢不在箠者為其相繞亂將用乃共之○夏

官○司常及國之大閱贊司馬頒旗物王建大常諸侯建

旂孤卿建旛大夫士建物師都建旗州里建旛縣鄙建旒

道車載旒旂車載旌仲冬教大閱司馬主其禮自王以下治民者旗畫成物之象主畫日月象

天明也諸侯畫交龍一象其升朝一象其下復也孤卿不畫言奉王之政教而已大夫士雜帛言以先王正道佐職

也師都六鄉六遂大夫也謂之師都都民所聚也畫熊虎者鄉遂出軍賦象其守猛莫敢犯也州里縣鄙鄉遂之官互約言之鳥隼象其勇捷也龜蛇象其扞難辟害也道車象路也玉以朝夕燕出入旂車木路也王以田以鄙全羽析羽五色象其文德也大闕王乘戎路建大常焉玉路金路不出

其事州里各象其名家各象其號事名號者徽識所以題別衆臣樹之於位朝各

就焉觀禮曰公侯伯子男皆就其旂而立此其類也或謂之事或謂之名或謂之號異外內也三者旌旗之細也土喪禮曰爲銘各以其物亡則以緇長半幅頰末長終幅廣三寸書名于末此蓋其制也徽識之書則云某某之事某某之名某某之號今大闕禮象而爲之兵凶事若有死事者亦當以相別也杜子春云畫當爲書元謂畫畫雲氣也異於在國軍事 ○巾車木路前樊鵠纓建大麾以田詳見通禮之飾 ○春官 ○司服凡甸冠弁服甸田獵也冠弁委貌其服緇布衣亦積素以爲裳諸侯以爲視下篇

朝之服詩國風曰緇衣之宜 ○小子凡師田斬牲以左右

今謂王服此以田 ○春官 徇陳示犯誓必殺 ○鄉士凡國有大事則戮其犯命者 ○

遂士凡郊有大事則戮其犯命者 ○縣士凡野有大事則

戮其犯命者野距王城二百里以外及縣都 ○掌戮掌斬殺凡田役斬殺

刑戮亦如之戮謂膊焚辜肆 ○禁暴氏凡國聚衆庶則戮其犯禁

者以徇並秋 ○校人田獵則帥驅逆之車帥猶將也 ○田

僕掌馭田路以田以鄙田路木路也田田 掌佐車之政佐亦

副設驅逆之車驅驅禽使前趨獲逆 令獲者植旌以告獲

也及獻比禽田弊獲者各獻其禽 凡田王提馬而走諸侯

也比種物相從次數之 凡田王提馬而走諸侯

晉大夫馳

提猶舉也晉猶抑也使人扣而舉之

○甸祝掌

四時之田表貉之祝號

杜子春讀貉為百爾所思之百書亦或為禡貉兵祭也甸以講武治

兵故有兵祭詩曰是類是禡爾雅曰是禡是禡師祭也元謂田者習兵之禮故亦禡祭禡氣勢之十百而多獲舍

奠于祖廟禡亦如之

舍讀為釋釋奠者告將時田若將征伐鄭司農云禡父廟

禽于虞中乃屬禽及郊饁獸舍奠于祖禡乃歛禽禡牲禡

馬皆掌其祝號

經田謂起大眾以田也致禽於虞中使獲者各以其禽來致於所表之處屬禽別其

種類饁饋也以所獲獸饋於郊薦於四方羣兆入又以奠

於祖禡薦且告反也斂禽謂取三十入腊人也杜子春云

禡禡也為馬禡無疾為田禡多獲禽牲詩云既伯既禡爾

雅曰既伯既禡馬祭也元謂禡讀為伏誅之誅今侏大字

也為牲祭求肥充為 ○肆師凡四時之大甸獵祭表貉則

為位

貉師祭也貉讀為十百之百於所立表之處為師祭造軍法者禱氣勢之增倍也其神蓋蚩蚩或曰黃帝

○同

○司几筵甸役則設熊席右漆几 謂王甸有司祭表貉所設席 ○同上

○小宗伯凡王之甸役之禱祠肆儀為位

注見 ○肆師凡

甸用牲于社宗則為位

注見 ○大僕田役贊王鼓 王通鼓

餘面 ○

鼓人軍動則鼓其衆田役亦如之 地

○銜枚氏

田役令銜枚

為其言語以 ○獸人時田則守罟 備獸 及弊

田令禽注于虞中

弊仆也仆而田止鄭司農云弊田謂春火弊夏車弊秋羅弊冬徒弊虞中謂虞

人釐所田之野及弊田植虞旗於其中致禽而珥焉獸人

主令田衆得禽者置虞人所立虞旗之中當以給四時社

廟之祭故曰春獻禽以祭社夏獻禽以享禴秋獻禽以祀

禘冬獻禽以享烝又曰大獸公之小禽私之公之謂輸之

於虞中珥焉者取左耳以致功若斬首折馘故春秋傳曰以數軍實○天官○小宗伯若大甸

則帥有司而饁獸于郊遂頒禽甸讀曰田有司大司馬之屬饁饋也以禽饋四方之神於郊郊有羣神之兆頒禽謂以予羣臣詩傳曰禽雖多擇取三十焉其餘以予大夫士以習射於澤宮而分之○

春○肆師獮之日涖卜來歲之戒秋田為獮始習兵戒不虞也卜者問後歲兵寇

之備○迹人掌邦田之地政為之厲禁而守之田之地若今苑

也凡田獵者受令焉令謂時與處也禁麇卵者與其毒矢射者為

天物且害心多也麇麋鹿子○地官○天子諸侯無事則歲三田三田者夏

時也周禮春日蒐夏日苗秋曰獮冬曰狩一為乾豆二為賓客三為充君之庖

乾豆謂腊之以為祭祀豆實也庖今之廚也無事而不田曰不敬田不以禮曰

暴天物不敬者簡祭祀略賓客天子不合圍諸侯不掩羣為盡物也天子

殺則下大綏諸侯殺則下小綏綏當為綏綏有虞氏之旌旗也下謂弊之大夫

殺則止佐車佐車止則百姓田獵佐車驅逆之車豺祭獸然後田

獵昆蟲未蟄不以火田取物必順時候也昆明也明蟲者得陽而生得陰而藏不麇

不卵不殺胎不妖天重傷未成物殀斷殺○王田不取羣

不盡羣也易曰王用三驅失前禽也○國語周語○國君春田不圍澤大夫不掩

羣士不取麇卵生乳之時重傷其類○曲禮○孟夏母大田獵○季秋

天子乃教於田獵以習五戎班馬政命僕及七騶咸駕載

旌旄授車以級整設於屏外司徒搢扑北面誓之天子乃

豐書綱目

卷五十二

征伐

十

十

十

厲飾執弓挾矢以獵命主祠祭禽于四方○孟冬天子乃

命將帥講武習射御角力注竝見○十一月王狩陳筋革

畜人不從夏小○大宰以八則治都鄙八曰田役以馭其

衆詳見○唯為社田國人畢作畢作人則盡行非徒羨也○郊特牲

右田○以之田獵有禮故戎事閑也若無禮田獵戎

事失其策策謀也○仲尼燕居○季春出火為焚也謂焚萊也凡出火以

火出建辰之然後簡其車賦而歷其卒伍而君親誓

社以習軍旅左之右之坐之起之以觀其習變也簡

謂算具陳列之君親誓社誓吏士以習軍旅既而遂田以祭社也言祭社則此是仲春之禮也仲春以火

田田止弊火然後獻禽至季春火出而民乃用而流

示之禽而鹽諸利以觀其不犯命也流猶行也行行

謂禽為利者凡田大獸公之小禽私之求服其志

不貪其得失伍而獲猶為犯命故以戰則克以祭則受福郊特牲

○因蒐狩以習用武事禮之大者也艾蘭以為防蘭

草也防為置旃以為轅門旃旗之名周禮通帛為

以葛覆質以為檠質樞也檠門中流旁握御擊者不

得入流旁握謂車兩轆頭各去門邊空車軌塵車不

馬候蹄發足相應拵禽旅拵取御者不失其馳然後

射者能中

不失馳

過防弗逐不從奔之道也

戰不逐

面傷不獻

嫌誅

不成禽不獻

惡虐

禽雖多天子取三

十焉其餘與士衆以習射於射宮

取三十以共乾豆賓客君之庖射宮

澤射而中田不得禽則得禽田得禽而射不中則不

得禽是以知古之貴仁義而賤勇力也

射以不爭為仁揖讓為義

○昭八年蒐于紅穀梁傳

○田者大艾草以為防

言田獵者必大芟殺野草以為

防限作田獵之處

或舍其中

或復止舍其中謂未田之前誓士戒衆故發示戰法

當在其間止舍也

褐纏旃以為門

既為防院當設周衛而立門焉乃以

織毛褐布纏通帛旃之竿以為門之兩傍其門蓋南開並為二門用四旃四褐也

裘纏質以

為擻

又以裘纏樞質以為門中之闌闌車軌之裏兩邊約車輪者

間容握驅而入

擊則不得入

其門之廣狹兩軸頭去旃竿之間各容一握握人四指為四寸是門廣於軸八

寸也入此門當馳走而入不得徐也以教戰試其能

否故令驅焉若驅之其軸頭擊著門傍旃竿則不得入也所以

左者之左右者之右然後焚而射焉

以天子罰不工也

軍分為左右雖同舍防內令三軍各在一方取左右相應其屬左者之左門屬右者之右門不得越離部

伍以此故有二門也教戰既畢士卒出和乃分地為屯既陳車驅卒奔驅禽內之於防然後焚燒此防草

在其中

天子發抗大綏諸侯發抗小綏獻禽於其下

發謂發矢射之也其天子發則先抗舉其大綏諸侯發則舉其小綏必舉此綏為表天子諸侯殺時因獻其禽於其下也

抗綏謂既射舉之因置虞旗於其中受而致禽焉受禽獵止則弊之故王制曰天子殺則下大綏諸侯殺則下小綏注云下謂弊之是殺禽已訖田止而弊綏也各舉始終之一故與此不同也故戰不出頃田不出防不逐奔走古之道也

戰不出所期之頃田不出所及

防者不逐之○詩毛傳○古之道五十不為甸徒

頒禽隆諸長者而弟達乎搜狩矣四井為邑四邑為邱四邱為甸甸六

十四井也以為軍田出役之法五十始衰不從力役之事也頒之言分也隆猶多也及田者分禽多其老者謂竭作未五十者春獵

為搜冬獵為狩○祭義○臧僖伯曰凡物不足以

講大事臧僖伯公子彊也傳其材不足以備器用則

君不舉焉材謂皮革齒牙骨角毛羽也器用軍國之器君將納民於軌物

者也故講事以度軌量謂之軌取材以章物采謂之

物不軌不物謂之亂政亂政亟行所以敗也言器用衆物不

入法度則為不軌故春蒐夏苗秋獮冬狩蒐索擇取不為苗除害也獮殺也以殺為名順秋氣也皆於農隙

狩圍守也冬物畢成獲則取之無所擇也以講事也各隨時三年而治兵入而振旅雖四時講武猶復三

年而大習出曰治兵始治其事入曰振歸而飲至以

數軍實飲於廟以數車徒昭文章車服明貴賤辨等

列等列順少長出則少者在前還習威儀也鳥獸之

肉不登於俎俎祭宗廟器皮革齒牙骨角毛羽不登於器

謂以飾法則公不射古之制也若夫山林川澤之實

器用之資阜隸之事官司之守非君所及也士臣阜

與臣隸言取此雜猥之物以資器備是小臣有○出

為治兵尚威武也幼賤在前入為振旅反尊卑也尊

也在前復常儀○已有三牲必田狩者孝子之意以為

己之所養不如天地自然之性逸豫肥美禽獸多則

傷五穀因習兵事又不空設故因以捕禽獸所以共

承宗廟示不忘武備又因以為田除害鮮者何也秋

取嘗也取禽秋取嘗何以也習鬪也習鬪也者男子

之事也然而戰鬪不可不習故於搜狩閑之也閑之

者貫之也貫之也者習之也已祭取餘獲陳於澤澤射

也官然後卿大夫相與射命中者雖不中取也命不中

者雖中不取何以也所以貴揖讓之取而賤勇力之

取也擲之取於囿中勇力之取也今之取於澤揖讓

之取也尚書○春日蒐夏曰苗秋曰獮冬曰狩苗者

謂何曰苗者毛也取之不圍澤不揜羣取大禽不麇

不卵不殺孕重者春蒐者不殺小麇及孕重者冬狩

皆取之百姓皆出不失其時不抵禽不詭遇逐不出

防此苗獮蒐狩之義也故苗獮蒐狩之禮簡其戎事也故苗者毛取之蒐者搜索之狩者守畱之夏不田何也曰天地陰陽盛長之時猛獸不攫鷲鳥不搏蝮蠆不螫鳥獸蟲蛇且知應天而况人乎故是以古者必有豢牢其謂之畋何聖人舉事必反本五穀者以奉宗廟養萬民也去禽獸害稼穡者故以田言之聖人作名號而事義可知也賈誼新書○湯見祝網者置四面其祝曰從天墜者從地出者從四方來者皆離吾網湯曰嘻盡之矣非桀其孰為此湯乃解其三面置

其一面更教之祝曰昔蛛蝥作網今之人循序欲左者左欲右者右欲高者高欲下者下吾取其犯命者其憚害物也如是漢南之國聞之曰湯之德及禽獸矣四十國歸之同上○昔周辛甲之為大史也命百官官箴王闕辛甲周武王太史闕過也於虞人之箴虞人掌田曰芒芒禹迹畫為九州芒芒遠貌經啓九道啓九州民有寢廟獸有茂草各有攸處德用不擾人神之道民有寢廟獸有茂草各有攸處德用不擾所歸故在帝夷羿冒於原獸冒貪亡其國恤而思其德不亂念獵武不可重重猶數也用不恢於夏家羿以好武雖有夏家

而不能獸臣虞人告僕夫不敢恢大之斥尊○襄四年左氏傳

○號文公諫宣王曰三時務農而一時講武故征則

有威守則有財詳通禮○車攻宣王復古也宣王能

內脩政事外攘夷狄復文武之竟土脩車馬備器械

復會諸侯於東都因田獵而選車徒焉詩序我車既攻

我馬既同四牡龐龐駕言徂東攻堅同齊也傳曰宗

齊力尚強也田獵齊足尚疾也龐龐充實也東東都

洛邑也○周公相成王營洛邑為東都以朝諸侯周

室既衰久廢其禮至於宣王內脩政事外攘夷狄復

文武之竟土脩車馬備器械復會諸侯於東都因田

獵而選車徒焉故詩人作此以田車既好四牡孔阜

美之首章汎言將往東都也

東有甫草駕言行狩田車田獵之車好善也阜盛大

封府中牟縣西圃田澤是也宣王之時未有鄭國圃

田屬東都畿內故往田也○此章指言將往狩于圃

也之子于苗選徒囂囂建旒設旄搏獸于敖之子有

狩獵之通名也選數也囂囂聲衆盛也數車徒者其

聲囂囂則車徒之衆可知且車徒不諱而惟數者有

聲又見其靜治也敖近榮陽地名也駕彼四牡四牡

奕奕赤芾金舄會同有繹奕奕連絡布散之貌赤芾

金飾亦諸侯之服也時見曰會般見曰同繹陳列決

聯屬之貌也○此章言諸侯來會朝於東都也決

拾既飲弓矢既調射夫既同助我舉柴決以象骨為

大指所以鉤弦開體拾以皮為之著於左臂以遂弦

故亦名遂飲比也調謂弓強弱與矢輕重相得也射

禮記

禮記

夫蓋諸侯來會者同協也柴說文作擘謂積禽也使諸侯之人助而舉之言獲多也○此章言既會同而田獵也

四黃既駕兩驂不猗不失其馳舍矢如破倚不也
正也馳驅之法也舍矢如破巧而力也蘇氏曰不善射御者詭遇則獲不然不能也今御者不失其馳驅之法而射者舍矢如破則可謂善射御矣○此章言田獵而見其射御之善也

悠悠旆旌徒御不驚大庖不盈
蕭蕭悠悠皆閑暇之貌徒步卒也御車御也驚如漢書夜軍中驚之驚不驚言此卒事不喧譁也大庖君庖也不盈言取之有度不極欲也蓋古者田獵獲禽而傷不獻踐毛不獻不成禽不獻擇取三等自左膘而射之達于右膺為上殺以為乾豆奉宗廟達右耳本者次之以為賓客射左髀達于右髀為下殺以充君庖每禽取三十焉每等得十其餘以與士大夫習射於澤宮中者取之是以獲雖多而君庖不盈也張子曰饌雖多而無餘者均及於眾而有法

耳凡事有法則何患乎不均也舊說不驚驚也不之盈盈也亦通○此章言其終事嚴而頒禽均也

子于征有聞無聲允矣君子展也大成
允信展誠也聞師之行而不聞其聲言至肅也信矣其君子也誠哉其大成也○此章總叙其事之始終而深美之○小雅

吉日美宣王田也
詩序吉日維戊既伯既禱田車既好

四牡孔阜升彼大阜從其羣醜
戊剛日也伯馬祖也謂天駟房星之神也醜眾也謂禽獸之羣眾也○此亦宣王之詩言田獵將用馬力故以吉日祭馬祖而禱之既祭而車牢馬健於是可以歷險而從禽也以

吉日庚午既差我馬
庚午亦剛日也差擇

獸之所同鹿麋麋漆沮之從天子之所
庚午亦剛日也差擇

齊其足也同聚也鹿牝曰麋麋眾多也漆沮水名在西都畿內涇渭之北所謂洛水今自延章流入鄜

坊至同州入河也○戊辰之日既禱矣越三日庚午
遂擇其馬而乘之視獸之所聚麀鹿最多之處而從
之惟漆沮之旁為盛宜 瞻彼中原其祁孔有儻儻俟
為天子田獵之所也

侯或羣或友悉率左右以燕天子中原原中也祁大也趨則儻儻行則

侯侯獸三曰羣二曰友燕樂也○言從王者視彼禽
獸之多於是率其同事之人各共其事以樂天子也

既張我弓既挾我矢發彼小豝殪此大兕以御賓客

且以酌醴發發矢也豕牝曰豝一矢而死曰殪兕野牛也言能中微而制大也御進也醴酒名

周官五齊二曰醴齊注曰醴成而汁滓相將如今甜
酒也○言射而獲禽以為俎實進於賓客而酌醴也

○東萊呂氏曰車攻吉日所以為復古者何也蓋蒐
狩之禮可以見王賦之復焉可以見軍實之盛焉可
以見師律之嚴焉可以見上下之情焉可以見綜理
之周焉欲明文武之功業者此亦足以觀矣○同上

○桓公四年春正月公狩于郎冬獵曰狩行三驅之禮得田狩之時故傳

日書時禮也周之春夏之冬也田狩從夏時郎非國內之狩地故書地書時禮也郎非

故書時合禮 ○狩者何田狩也田者蒐狩之總名也古者肉食衣服捕

禽獸者故謂之田取於田故曰狩易曰結繩罔以田魚春曰苗苗毛也明當見

秋曰蒐蒐簡擇也簡擇冬曰狩狩猶獸也冬時禽獸

夏田者春秋制也以為飛鳥未去於巢走獸未離於穴恐傷害於幼穉故於苑囿中取之常事不

書此何以書譏何譏爾遠也以其地遠禮諸侯曷

為必田狩據有一日乾豆二曰賓客三曰充君之庖

一者第一之殺也自左臆射之達於右髀中心死疾
鮮潔故乾而豆之以薦於宗廟豆祭器名狀如盞天

子二十有六諸公十有六諸侯十有二卿上大夫八
 下大夫六士二二者第二之殺也自左臆射之達於
 右脾遠心死難故以為賓客充備也庖廚也三者第
 三之殺也自左臆射之達于右髓中腸膈汚泡死遲
 故以充君之庖廚已有三牲必田狩者孝子之意以
 為己之所養不如天地自然之性逸豫肥美禽獸多
 則傷五穀因習兵事又不空設故因以捕禽獸所以
 共承宗廟示不忘武備又因以為田除害狩例時此
 月者譏不時也周之正月夏之十一月陽氣始
 施鳥獸懷任草木萌芽非所以養微○公羊傳○四
 時之田皆為宗廟之事也春日田取獸於田夏日苗因為苗除
 害故秋曰蒐蒐擇之舍小取大冬日狩狩圍狩也冬物畢成獲則取之無所擇
 四時之田用三焉唯其所先得一為乾豆上殺中心死速乾之
 以為豆實二為賓客次殺射脾滌死差遲三為充君之庖
 可以祭祀

汚泡死最遲先宗廟次賓客後○桓公六年秋八月
 庖廚尊神敬客之義○穀梁傳

壬午大閱齊為大國以戎事徵諸侯之成嘉美鄭忽而忽欲以有功為班怒而訴齊魯人懼之

故以非時簡車馬也左氏傳○大閱者何簡車徒也大簡車馬也

闕兵車使可何以書蓋以罕書也罕希也孔子曰以不用而習之

之故比年簡徒謂之蒐三年簡車謂之大閱五年大簡車徒謂之大蒐存不忘亡安不忘危○公羊傳

○大閱者何闕兵車也闕為簡練脩教明諭國道也脩先王之

教以明達於平而脩戎事非正也邵曰禮因四時田獵以習用戎事存

不忘亡安不忘危之道平謂不因田獵無事而脩之○莊公八年春王正

月甲午治兵治兵於廟習號令將以治兵于廟禮也

左氏傳 ○出曰祠兵禮兵不徒使故將出必祠于近郊陳兵習戰殺牲饗士卒入曰

振旅五百人其禮一也皆習戰也言與祠兵禮如一將出不嫌不習故

以祠兵言之將入嫌於廢之故以振訊士眾言之互相見也祠兵壯者在前難在前振旅壯者在後復長幼且衛後也

○公羊傳 ○晉侯始入而教其民二年欲用之子

犯曰民未知禮未生其共於是乎大蒐以示之禮蒐

少長明貴賤○僖 ○昭公八年秋蒐于紅革車千乘

經文闕也大蒐于紅自根牟至于商衛革車千乘大蒐

數軍實簡車馬也根牟魯東界瑯琊陽都縣有牟鄉商宋地魯西竟接宋衛也言千乘明大蒐且見魯眾

之大數也○蒐者何簡車徒也徒衆○秋蒐于紅

左氏傳○秋蒐于紅公羊傳

正也常事不書而此書者以後比年大蒐夫禮因此以見正○穀梁傳餘見上 ○昭公十

一年五月齊歸薨大蒐于比蒲非禮也蒐非存亡之由故臨喪不

宜為叔向曰魯公室其卑乎君有大喪國不廢蒐不

忌君也忌畏也○二十二年大蒐于昌間秋而曰

蒐此春也其曰蒐何也以蒐事也穀梁傳

小司徒稽國中及四郊都鄙之夫家九比之數以辨其貴

賤老幼廢疾凡征役之施舍稽猶考也夫家猶言男女也鄭司農云九比謂九夫為井

元謂九比者冢宰職出九賦者之人數也貴謂為卿大夫賤謂占會販賣者廢疾謂癰病也施當為弛乃均

土地以稽其人民而周知其數上地家七人可任也者家

禮記綱目 卷五十二 田役 二十

三人中地家六人可任也者二家五人下地家五人可任

也者家二人凡起徒役毋過家一人以其餘為羨惟田與

追胥竭作一家男女七八已上則授之以上地所養者眾也男女五人已下則授之以下地所養者寡也

可任謂丁疆任力役之事者鄭司農云羨凡用眾庶則掌

其政教與其戒禁聽其辭訟施其賞罰誅其犯命者命所

告○鄉師以國比之灋以時稽其夫家眾寡辨其老幼貴

賤廢疾馬牛之物辨其可任者與其施舍者大役則帥民

徒而至治其政令既役則受州里之役要以放司空之辟

以逆其役事而至至作部曲也既已也役要所遣民徒之數辟功作章程逆猶鉤攷也鄭司農云辟法

也凡邦事令作秩叙事功力之事秩常也叙猶次也事有常次則不偏匱○鄉大夫

以歲時登其夫家之眾寡辨其可任者國中自七尺以及

六十野自六尺以及六十有五皆征之其舍者國中貴者

賢者能者服公事者老者疾者皆舍以歲時入其書登成也定

也國中城郭中也晚賦稅而早免之以其所居復多役少

野早賦稅而晚免之以其復少役多鄭司農云征之者給

公上事也舍者謂有復除舍不收役事也貴者謂若今宗

室及關內侯皆復也服公事者謂若今吏有復除也老者

謂若今八十九十復羨卒也疾者謂若今癰○族師以邦

不可事者復之元謂入其書者言於大司徒○族師以邦

比之灋帥四閭之吏以時屬民而校登其族之夫家眾寡

辨其貴賤老幼廢疾可任者及其六畜車輦○均人均人



民牛馬車輦之力政力征人民則治城郭涂巷溝凡均力

政以歲上下豐年則公旬用三日焉中年則公旬用二日

焉無年則公旬用一日焉豐年人食四鬴之歲也人食三鬴為中歲人食二鬴為無歲歲

無贏儲也公事也旬均也讀為管管原凶札則無力政無

際之管易坤為均今書亦有作旬者政恤其三年大比則大均有年無年大平計之○遂人凡

治野以下劑致變民言也致猶會也民雖受上田中田下田及

會之以下劑為率以歲時登其夫家之眾寡及其六畜車

輦辨其老幼廢疾與其施舍者以起政役政役出土徒役若起野

役則令各帥其所治之民而至以遂之大旗致之其不用

命者誅之役謂師田若有功作也遂之大旗熊虎凡事致野役帥而至掌其

政治禁令○遂師以時登其夫家之眾寡六畜車輦辨其

施舍與其可任者施讀亦弛也作役事則聽其治訟○遂大夫

以歲時稽其夫家之眾寡六畜田野辨其可任者與其可

施舍者施亦讀為弛○縣正若將用野民移執事則帥而至治

其政令移執事移用其民鄭司農云謂轉相佐助既役則稽功會事而誅賞○

載師凡民無職事者出夫家之征詳見通禮財賦篇○鼓人以馨

鼓鼓役事馨鼓長丈二尺○並地官○大司馬大役與慮事屬其植受

其要以待攷而賞誅大役築城邑也鄭司農云國有大役大司馬與謀慮其事也植謂部曲將

吏故宋城春秋傳曰華元為植巡功屬謂聚會之也要者簿書也攷謂攷校其功元謂慮事者封人也於有役司馬

與之植築城楨也屬賦丈尺與其用人數○夏官○用民之力歲不過三日治宮室城

郭道渠○王制○凡使民任老者之事食壯者之食寬其力饒其食○同上

○五十不從力政力稍衰也力政城道之役也八十者一子不從政九

十者其家不從政按內則云廢疾非人不養者一人不從

政廢廢於人事父母之喪三年不從政齊衰大功之喪三月不

從政將徙於諸侯三月不從政自諸侯來徙家期不從政

自從也○同上○旅師凡新眡使無征役新眡新徙來者也使無征役復之也王制曰白

諸侯來徙家期○孟夏毋起土功毋發大衆○季夏不可不從政○地官

以興土功毋舉大事以搖養氣毋發令而待以妨神農之

事也水潦盛昌神農將持功舉大事則有天殃○孟秋脩

宮室坏垣牆補城郭○仲秋可以築城郭建都邑穿竇窖

脩囷倉○季秋命有司曰寒氣總至民力不堪其皆入室

○季冬歲且更始專而農民毋有所使注並見通禮月令

右役○單子曰夫辰角見而雨畢天根見而水涸火

見而清風戒寒故先王之教曰雨畢而除道水涸而

成梁清風至而脩城郭宮室故夏令曰九月除道十

月成梁其時倣曰收而場功倣而菑揭營室之中土

功其始火之初見期於司里詳見通禮夏小正篇○隱公七年

夏城中邱書不時也左氏傳○莊公二十九年春新延

廢古之君人者必時視民之所勤民勤於力則功築

罕罕民勤於財則貢賦少民勤於食則百事廢矣凶荒

殺禮冬築微春新延廢以其用民力為已悉矣悉盡○穀梁傳

○冬十有二月城諸及防書時也凡土功龍見而畢

務戒事也謂今九月周十一月龍星角亢晨火見而

致用大火心星次角亢水昏正而栽謂今十月定星

板幹而見者致築作之物日至而畢日南至微陽始動故○僖公二十

年春新作南門書不時也失土功之時凡啓塞從時門戶道橋

謂之啓城郭牆塹謂之塞皆官民之開閉不可一日

而闕故特隨壞時而治之今僖公脩飾城門非開閉

之急故以土功之制譏之傳嫌啓塞皆○襄公十三

從土功之時故別起從時之例○同上年冬城防書事時也土功雖有常節於是將早城臧

武仲請俟畢農事禮也同上○宋皇國父為大宰為平

公築臺妨於農收周十一月今子罕請俟農功之畢

公弗許築者謳曰澤門之皙實與我役澤門宋東城南門也皇國

父白皙而邑中之黔實慰我心子罕黑色子罕聞之

居近澤門親執扑杖以行築者而扶其不勉者曰吾儕小人皆

有闔廬以辟燥濕寒暑闔謂門戶閉塞今君為一臺而不速

成何以為役役事也謳者乃止或問其故子罕曰宋國

區區而有詛有祝禍之本也傳善子罕分謗○昭襄十七年左氏傳

公九年冬築郎囿書時也季平子欲其速成也叔孫

昭子曰詩曰經始勿亟庶民子來詩大雅言文王始經營靈臺非急疾

之衆民自以子焉用速成其以勦民也勦勞也無囿猶

可無民其可乎左氏傳○士彌牟營成周計丈數計所當城

之丈揣高卑度高曰揣度厚薄仞溝洫度深曰仞物土方議遠

邇物相也相取土之方面遠近之宜量事期知事幾時畢計徒庸知用幾人功

慮材用知費幾材用書餼糧知用幾糧食以令役於諸侯屬役

賦丈付所當城尺丈書以授帥帥諸侯大夫而效諸劉子效致韓

簡子臨之以為成命臨履其事以命諸侯經所以不書魏舒○昭三十二年左氏傳

○楚令尹蔦艾獵城沂艾獵孫叔敖也沂楚邑使封人慮事封人

其時王築城者慮事謀慮計功以授司徒司徒掌役量功命日命作日數分財

用財用築財用築平板榦榦榦也稱畚築量輕重畚盛土器程土物為

程議遠邇均勞略基趾趾城足略行也具餼糧餼乾食也度有司

謀監事三旬而成十日為旬不愆於素不過素所慮之期也傳言叔敖之能

使民○宣十一年左氏傳○時使薄斂所以勸百姓也庸○孔子

曰擇可勞而勞之又誰怨論語○子夏日君子信而後


勞其民未信則以為厲己也同上

大宗伯以軍禮同邦國大均之禮恤衆也均其地政地守地職之賦所以

憂大封之禮合衆也正封疆溝塗之固所以合聚其民○春官○均人三年大

比則大均注見上章

右大均大封



同邑後學

戴揚休
俞肇綸校
俞鎮璣

禮書綱目卷之五十二終

文德个五

